

А. Р. МУҲАММАДЖОНОВ  
БУХОРО ШАҲРИ ·  
· 2500 ·  
ЁШДА

63.5(39)  
№96


2

47-2 1998

А. Р. МУҲАММАДЖОНОВ

# БУХОРО ШАҲРИ-2500ЁШДА

(АРХЕОЛОГИК ЛАВҲАЛАР ВА ТАРИХ)



BUXORO DAVLAT UNIVERSITETI  
**BOSH BINSIDAQ**  
AXBOROT RESURSLARI  
MARKAZI  
1998/12/22

QIROATXONA № 12

ТОШКЕНТ  
ЎЗБЕКИСТОН РЕСПУБЛИКАСИ ФАНЛАР АКАДЕМИЯСИ  
«ФАН» НАШРИЕТИ  
1998

12/22 № 12

Бухоро шаҳрининг 2500 йиллигига багишланган ушбу риёслада археологик маълумотлар, ёзма манбалар ва Бухоронинг қадимги номларининг этимологик таҳлили асосида Зарафшон воийисининг қўйи қисмида қад кўтарган Тури—Туркистонининг энг қадимги шаҳарларидан бири Бухоронинг пайдо бўлиши ва ушинг ривожланиши тарихи ҳикоя қилипади. Бу ўлкада шаҳар маданиятиниг шаклланиши, қадимда Бухоро ўрнида дастлабки пайдо бўлган деҳқончилик ва ҳунармандчилик қишилоқлари ва уларниг туташиб, ягона шаҳарга айланиши илк шаҳарнинг тарихий топографияси тасвирланади.

Рисола кенг китобхонлар оммасига мўлжалланган.

Тақризчилар:

Уз РФА мұхбир аъзоси, тарих фанлари доктори  
*К. Ш. ШОНИЕЗОВ*, тарих фанлари номзоди *Ж. МИРЗААҲМЕДОВ*

M 0504000000—3-276/98 Рез. 98  
M355(04)—98

ISBN 5—648—02571—8

© Ўзбекистон Республикаси ФА  
«Фан» пашриёти, Музейларни қўл-  
лаб-қувватлаш Республика «Ўз-  
бекмузей» жамғармаси, 1998 й.

## МУҚАДДИМА

Бухоро — асрлар давомида улкан Шарқнинг илму маърифат ва дину эътиқод марказларидан бир сифатида жаҳонга донғи кетган қадимий шаҳар. У ўтмишда савдо-сотиқ, маданий алоқалар жиҳатидан Турону Туркистонинг машҳур Балҳ, Ҳирот, Марв (Марий), Самарқанд, Термиз, Насаф (Қарши), Чоч, Шош (Тошкент) ва Хоразм (Хива) шаҳарлари қаторидан жой олади.

Ўрта асрларда Бухоро Мовароуннахрнинг йирик савдо-сотиқ, ҳунармандчилик ва маъмурӣ марказларидан бири бўлиб, Яқин ва Ўрта Шарқ мамлакатларини Ҳиндистон ва Хитой билан боғлаган қадимий халқаро савдо йўли — «Буюк ипак йўли» ана шу шаҳар орқали ўтган. Машҳур жаҳонгириларнинг зафарли юришларида харб йўли сифатида ҳам хизмат қилган. Шубҳасиз бу қадимги карвон йўли орқали фақат қатор-қатор савдо карвонларию ўзга юрт әлчилари ёки сайёҳлару дарвешларгина мashaққатли, узоқ йўл азобини чекиб қолмай, балки гоҳ мағрибу машриқдан, гоҳ жанубу шимолдан Бухорага томон қўшину лашкар тортган жаҳон фотиҳлари бу муқаддас кўҳна шаҳарнинг бошига не-не фожеаларни солмаган, дейсиз. Шунга қарамасдан Бухоро илк ўрта асрлардаёқ қадимги Турон замини — Туркистонда, Эрону Шом каби Яқин Ўрта Шарқ мамлакатларида илмфан, маърифат ва маданият марказларидан биринга айланниб, бу шаҳарда диний ва дунёвий илмлар ривож топган (табобат, фиқҳ, тарих, фаровиз, риёзиёт, хандаса, илми нужум (астрология), илми аруз (поэтика) ва ҳ.к.). Бу ерда ўз даврининг машҳур мутафаккир олим ва адиблари (Ином ал-Бухорий, Абу Али ибн Сино, Наршахий, Рудакий, Дақиқий, Ҳўжа Баҳоуддин Нақшбанд ва бошқалар) яшаб, ижод этган. Турли даврларда бино қилинган ўнлаб мадрасаларда минглаб талабалар илм олган. Мирзо Улугбек томонидан XV асрда қурдирилган мадраса дарвозасига ҳатто «Илм олиш ҳар бир му-

сулмон аёлу эркакларининг бурчидир» деган сўзлар ўйиб, битилган.

Асрлар давомида Бухоронинг донғи бутун Шарқ бўйлаб фақат илму маърифат, маданият ҳамда савдо-сотиқ соҳасидагина эмас, балки Туркистоннинг йирик маъмурӣ маркази сифатида ҳам таралиб келган. Тарихда бу шаҳар Қўйи Зарабшон ўлкасининг қадимги ҳокимлари — Бухорхудотлар (I—VIII аср), Шайбонийлар хонадони томонидан барпо этилган Узбеклар давлати — Бухоро ҳонлиги (XVI аср), Аштархонийлар (XVII—XVIII аср), Манғитлар (XIX—XX аср боши) томонидан идора этилган Бухоро амирлиги ҳамда Бухоро Ҳалқ Республикаси (1920—1924 йил) нинг пойтахти бўлган.

Ўз тарихи жараёнида Бухоро Мовароуннаҳр ва Хоразмда қад кўттарган кўпгина шаҳарлар сингари бир неча бор ташқи душман ҳужумига бардош берган, истилочилар асоратига тушиб, қонли жанглар майдонига ва озодлик қўзғолонлари марказига айланган. Инқирозга юз тутиб, вайрон бўлган, бироқ ўз жойидан бир қарич ҳам силжимай қайта-қайта тикланиб, обод бўлган.

Бухоро ўтмиши гарчи тарихий ва тадрижий воқеаларга ниҳоятда бой ва қизиқарли бўлса-да, аммо унинг зарварақларининг кўпгина саҳифалари бизгача тўлиқ сақланмаган. Айниқса шаҳарнинг узоқ ўтмиши ҳақидаги маълумотлар ёзма манбаларда мутлақо учрамайди. Бухоро ҳақидаги дастлабки маълумотлар қадимги Юон ва Рим муаллифларининг асарларида тилга олинса-да, бироқ уларда асосан шаҳар ҳақида эмас, балки улкан Суғднинг ғарбий чекка ўлкаси устида сўз юритилган. Бу шаҳарнинг қисқача бўлса-да аниқроқ тасвири илк ўрта аср Хитой манбаларида келтирилади.

Улкан кўхна Шарқнинг дину эътиқод, илм-фан ва маърифати бобида ўзининг қўшган салмоқли ҳиссаси түфайли илк ўрта асрлардаёқ «Куббатул ислом», «Бухоро шариф» каби сифатлар билан мусулмон оламида шуҳрат топган бу кўхна шаҳарнинг ёши яқин-яқин кунларгача «сир» бўлиб келди. Бизнинг давримизгача аниқ фактик маълумотларнинг етиб келмагани сабабли муаррихлар Бухоро шаҳрининг ёши ҳақида бирор қатъий фикрни дадил айта олмасалар-да, бухоролик ташаббускорлар Муҳаммад Наршахийнинг «Бухоро тарихи» номли китобида келтирилган айрим ривоятарини асос қилиб олиб, бу ерга келган саёҳатчиларга: «Шаҳримиз уч минг йилдан зиёд тарихга эга», деган маълумотни уқдириб келишди. Шубҳасиз, «Бухоронинг ёши 3000 йилдан кам эмас, балки зиёдроқдир» деган сўзлар замири-

да ҳам мәнтиқ бор, албатта. Чунки оташин ватанпарвар бухоролик дўстларнинг чин юракдан айтган бу нидоларида мўътабар шаҳар Бухоронинг узоқ ўтмиши борасида кўпчиликнинг дилига тугилган фикр ва мулоҳазалар ҳамда улар билан узвий боғланиб кетган орзу умидлар барқ уради. Бундай сўзларни айтувчилар ҳам таҳсилларга лойиқ. Бироқ ҳаққоний тарих асл манбалардан олиниган ва ҳар томонлама чуқур тадқиқ этилиб, илмий таҳлил қилинган далил ва исботларга суюнади. Акс ҳолда у афсона ёки хикояга айланниб қолади.

Шундай экан, X асрда яшаган вобкендлик муаррих Муҳаммад Наршахийнинг «Бухоро тарихи» номли китобида Бухоро ҳақидаги маълумотлар ва шаҳарнинг ёши борасида кўрсатилган рақамлар қанчалик асосли, уларни таснифу таҳлили, асли манбаларининг сарчашмаси қаерда ҳамда бу масалага бироз бўлса-да ойдинлик киритиш мақсадида яна қандай далиллар билан уларни тўлдириш мумкин? — деган саволлар ўз-ўзидан пайдо бўлди.

## БУХОРОНИНГ ЁШИ ҲАҚИДА Х АСР МУАРРИХИ

Бу борада аввало шуни қайд этиш жоизким, Мұхаммад Наршахийнинг «Бухоро тарихи» китоби даставал араб тилида ёзилган бўлиб, у 1128 йилда фаргоналик муаррих ва таржимон Абу Наср Аҳмад Қубовий томонидан қисқартирилиб, форс-тожик тилига ағдарилиган. Таржимоннинг таъкидлашича «Мұхаммад ибн Жаъфар Наршахий бу фаслни (яъни Бухоро шаҳрининг пайдо бўлиши ҳақидаги бобни — A.P.M.) ўз китобида келтирмаган»<sup>1</sup>. Абу Наср Аҳмад Қубовийнинг ёзишича, бу боб ўрта аср муаллифи Абулҳасан Нишопурнийнинг бизгача етиб келмаган «Хазонн ул-улум» («Илмлар ҳазиналари») номли асаридан олинган ва Мұхаммад Наршахийнинг «Бухоро тарихи» асарига таржимон томонидан илова қилинган. Бу бобда Бухоро шаҳри тарихи тўғрисида ҳикоя қилинар экан, Абулҳасан Нишопурний сўзни аввал Бухоро воҳасининг пайдо бўлиши, унинг қадимги умумий манзараси (ландшафти), сув тармоқлари (гидрографияси), жонли табиати, аҳолиси-нинг бўлажак Бухоро шаҳри ўрнига қайси томондан кўчиб келиб ўрнашгани, овчилик, балиқчилик ва деҳқончиликнинг касб этилиши каби ҳам жукрофий, ҳам тарихий жараёнларнинг умумий манзарасини бир-бирига узвий боғланган тарзда моҳир мўйи қалам соҳибидек тасвир этади. «Ҳар томондан одамлар йиғилиб, — деб ёзади Нишопурний — у жой (Бухоро — A.P.M.) обод бўлди. Одамлар Туркистон томонидан келар эдилар. Бу вилоятда сув ва дарахтлар, ов қилинадиган (жониворлар) кўп бўлганидек, кишиларга бу вилоят хуш келиб, шу ерга жойлашдилар... Ҳали Бухоро шаҳри вужудга келмаган, лекин қишлоқлардан баъзилари пайдо бўлган

<sup>1</sup> Абу Бакр Мұхаммад ибн Жаъфар Наршахий. Бухоро тарихи. Тошкент: Фан, 1966. 15-бет.

әди. Нур, Ҳарқонрүд, Вардана, Таровча, Сафна ва Искендероналар ўша қишлоқлар жумласидандир»<sup>2</sup>.

Бухоро шаҳрининг бино қилиниши тарихига тўхтадиган бўлсак, «Бухоро тарихи» китобида бу тўғрида келтирилган яна бир муҳим воқеа айниқса эътиборга сазовордир. Унда қадимги аҳоли тамонидан Бухоро ҳудудининг қандай йўсинда ўзлаштирила бошлангани тасвирланар экан, бўлажак шаҳар ўрида илк бор амалга оширилган дастлабки қурилиш ишларининг тарихий манзараси жуда аниқ ифодаланади. Асар матнида баён этилишича, бўлажак Бухоро ўрнига дастлаб кўчиб келиб ўриашган аҳоли аввал «чодир ва ўтовларда турар эдилар, сўнг вақт ўтиши билан одамлар йиғилишиб иморатлар қурдилар»<sup>3</sup> — деб, таъриф этилади.

Абулҳасан Нишопурӣ Бухоро шаҳари арқи қурилишини қадимий Эроннинг афсонавий шаҳзодаси Сиёвуш номи билан боғлаган: «Сиёвуш ибн Қайковус ўз отасидан қочиб Жайхун дарёсидан кечиб ўтиб, Афросиёбнинг олдига келди. Афросиёб уни яхши қабул этди ва ўз қизини унга хотинликка бериб, айтишларича, барча мулкини ҳам унга топширди. Бу вилоят ўзига вақтинча бериб қўйилган жой эканлиги туфайли Сиёвуш бу ерда ўзидан бир ёдгорлик қолдиришни истади. Шундай қилиб, у Бухоро ҳисорини бино қилди ва кўпроқ вақт ўша жойда турар эди. Кимлардир у билан Афросиёб ўртасида ёмон гап юргизди ва натижада Афросиёб уни ўлдириди ҳамда ана шу ҳисорга шарқий дарвозадан кираверишда «Дарвозайи ғуриён» деб аталган сомонфурушлар дарвозасининг ичкарисига дағи этди»<sup>4</sup>.

Наршахийнинг ҳикоя қилишича, Сиёвуш ўлдирилгач, унинг ўғли Қайхусрав отасининг хунини талаб қилиб, кўп лашкар билан Бухоро вилоятига юриш қилиб келган. Афросиёб Ромитан қалъасига ўрнашиб олиб, ўзини ундан муҳофаза қилган. Натижада Қайхусрав икки йил давомида Ромитан қалъасини қамалда ўраб турган ва унинг рўбарўсида Ромуш қишлоғини бино қилган. Ниҳоят орадан икки йил ўтгач, Қайхусрав Афросиёбни ўлдирган. Туроннинг бу буюк афсонавий ҳукмдори Бухоронинг Маъбад дарвозаси яқинида жойлашган Хожи имом Абу Ҳафс Қабир тепалигига дағи этилган. «Бу

<sup>2</sup> Ўша асар. 15—16-бетлар.

<sup>3</sup> Ўша асар. 16-бет.

<sup>4</sup> Ўша асар. 28-бет.

таплар бўлганига, — деб ёзилган Наршахий асарида,— ҳозир уч минг йилдан ортиқроқ вақт ўтди»<sup>5</sup>.

Бухоронинг ёшига оид бундай сана Наршахий томонидан китобнинг яна бошқа саҳифаларида ҳав қайд этилади. X аср муаррихи ёзишича, Сиёвуш шаҳид бўлиши муносабати билан Бухоро аҳли унинг ўлдирилиши ҳақида ажойиб марсиялар тўқишиган. Мусиқачилар бу мотам қўшиқлари — гиряларни «Кини Сиёвуш» — «Сиёвуш жангি» деб аташган. Наршахий бу воқеалар содир бўлганига «уч минг йил ўтган» деб иккинчӣ бор қайд этиган<sup>6</sup>.

Шудай қилиб, Наршахийнинг «Бухоро тарихи» китобида келтирилган ривоятларга қараганда, Бухоро ва Ромитан Афросиёб, Бухоро арки Сиёвуш, Ромуш қалъаси эса Сиёвушнинг ўғли Қайхусрав томонидан бино қилингандан экан. Шу билан бирга, бу нодир ёзма манбанинг икки ерида кўрсатилган саналар тўғрисидаги рақамларни агарда далил сифатида таҳлил этиб, хулоса қилинадиган бўлса, Бухоро арки ҳозирги кунда тўрт минг (4000) йилдан ошиқроқ вақт илгари қурилган бўлиб, Бухоро ёши бухоролик биродарлар ҳамиша таъкидлаб келганидек уч минг (3000) йил эмас, балки тўрт минг (4000) йилга тенг бўлиб чиқади.

Модомики, Бухоронинг пайдо бўлган вақти ҳақида сўз борар экан, Наршахийнинг ушбу китобида келтирилган шу масалага доир яна бир муҳим маълумотга эътибор берайлик. Унда Бухоро ҳали шаҳар сифатида шаклланмаган, аммо эндигина, юқорида қайд этилган айрим қишлоқлар пайдо бўлган давр тасвиirlаниб шундай баён этилади: «Халқ кўпайгач, бир кишини сайлаб амир қилдилар, унинг номи Аброй эди»<sup>7</sup>. Бу маълумотга қараганда Бухорога илк бор ҳукмдор бўлган Ҳокимнинг исми шарифи Аброй бўлган. Дарҳақиқат, Аброй Афросиёб ёки Сиёвуш каби афсонавий эмас, тарихий шахс. Тарихдан маълумки, у VI асрнинг 80-йиллари бошида йирик мулкдорларга қарши Пойканд шаҳрида кўтарилиган халқ қўзғолонига бошчилик қилган. Қўзғолон оқибатида пойкандлик мулкдорлар шаҳардан қувиб юборилиб, шаҳар Аброй бошлиқ камбағал кадиварлар — қишлоқ аҳли қўлига ўтган.

Қўзғолонни бостириш учун Бухоро ва пойкандлик мулкдор деҳқонлар Турк хоқонлиги ҳукмдори Қора-

<sup>5</sup> Ўша жойда.

<sup>6</sup> Ўша асар. 24-бет.

<sup>7</sup> Ўша асар. 16-бет.

чүринга мурожаат қилганлар. Хоқон ўғли Шернишвар бошлиқ катта лашкарни Бухорога юборган. Қўзғолон бостирилиб, милодий 586 йилда Аброй ўлдирилган. Наршахийнинг гувоҳлик беришича, Шернишвар Бухоро шаҳристонини ҳамда Мамостин, Сақматин, Самтин ва Фароб қишлоқларини бино қилган<sup>8</sup>.

Бинобарин, Наршахийнинг ушбу маълумотини асос қилиб оладиган бўлсақ, Бухоро ёши 4000 ҳам, 3000 ҳам эмас, балки 1400 йилдан сал ошиқроқ бўлиб чиқади. Келтирилган рақамлар шуни кўрсатадики, Наршахийнинг «Бухоро тарихи» номли китобида Бухоронинг ёши ҳақида бириниккисига зид иккиси хил сана: 4000 ва 1400 йил қайд этилади. «Хўш, рақамларнинг қай бирини тўғри, улардан қайси бирини асос қилиб олиш мумкин?»—деган ҳақли саволлар туғилади. Гарчи бундай саволларга асосли жавоб топиш ҳозирча бирмунча мушкул бўлса-да, аммо бу борада Бухоронинг ёши 3000 дан ошиқ деб баралла айтиб келганлар наҳотки Наршахийнинг бу маълумотларига эътибор бермаганлар, деган мулоҳаза кишини хайратлантиради. Шу боисдан бу ўринда Наршахийнинг Бухоро воҳасининг обод этилиши ҳақидаги яна бир маълумотини бухоролик дўстларимиз диққатига ҳавола қилмоқчимиз. «Бухоро тарихи» китобида шаҳар атрофида қад кўтарган айрим қишлоқлар тўғрисида сўз юритилганида улардан Вардана, Варахша, Пойқанд, Ромуш ва Ромитан каби йирик қишлоқлар «Бухородан қадимийроқдир», деб такидланади. Наршахийнинг ёзишича Вардана катта қишлоқ бўлиб, куҳандиз (арк)га, катта ва мустаҳкам ҳисор (ички шаҳар)га эга бўлган. У қадим вақтлардан подшоҳларнинг туар жойлари бўлган. Вардана Бухоро шаҳридан қадимроқ барпо бўлган. Уни Сосонийлар сулоласи шаҳзодаларидан бўлган Шопур—Хусрав I (531—578) бино қилган у Туркистоннинг чегарасида жойлашган<sup>9</sup>. Вардонанинг харобалари тепа шаклида бизнинг давримизгача сақланган. Ҳозирги вақтда у Кўргони Варданзе номи билан машхур. Шундай қилиб, Наршахийнинг «Бухоро тарихи» китобида «Бухородан қадимроқ» деб тилга олинган Вардана қалъасининг бино қилиниши даври ҳам милодий VI асрга тўғри келмоқда.

Китобда қайд этилишича Варданадан ташқари, Ва-

<sup>8</sup> Ҳаша асар. 16—17-бетлар.

<sup>9</sup> Ҳаша асар. 22—25-бетлар.

<sup>10</sup> Ҳаша асар. 22—23 ва 95-бетлар.

рахша билан Пойканд ҳам подшоҳларниң қароргоҳи бўлган. «Подшоҳ турадиган катта қишлоқ Бойканд — Пойканд эди. Шаҳар «Қалан Дабусий — «Дабусий қалъаси» бўлиб, шаҳар деб шуни айтар эдилар». Шунингдек, «баъзи китобларда Ромитанни «Бухоро деб атаганлар» деган маълумот ҳам келтирилади. «Бу қишлоқ қадим вақтларда подшоҳларниң турар жойлари бўлган. Кейинроқ эса Бухоро шаҳри бино бўлганидан кейни, подшоҳлар қиши фаслидагина бу қишлоқда турадиган бўлганлар. Бу ерлар Ислом давлатига ўтганда ҳам шундай бўлиб турган», деб таърифланади.<sup>11</sup> Наршахийнинг бу маълумотлари таҳлил қилинар экан, эҳтимол кўргони Ромитан қадимда ҳақиқатдан ҳам Бухоро деб юритилгандир деган фикр туғилиши табиийдир.

Хуллас, Наршахийнинг «Бухоро тарихи» номли асарида Бухоро шаҳарининг ёши ҳақида қайд этилган саналар, шунингдек, Бухоро вилоятида Бухородан қадимроқ деб тилга олинган Вардона, Пойканд, Ромитан, Варахша ва Ромуш каби йирик қишлоқлар қачон ва ким томонидан бино қилингани тўғрисида анча-мунча қизиқарли маълумотлар келтирилса-да, аммо уларга берилган тафсилотларниң аксарияти ривоятларга асосланган, бири иккинчисига зид. Шубҳасиз, биз бу ўринда Бухоронинг X аср муаррихи ахборотларини шубҳа остига олиб, асар қимматини камситмоқчи эмасмиз. Чунки Наршахий ва унинг таржимонлари Абу Наср Қубовий ҳамда Муҳаммад иби Зуфарлар, гарчи воқеаларниң тадрижий ривожини холисона тўғри талқин этсалар-да, аммо ўзларидан бир неча минг йил муқаддам содир бўлган тарих тўғрисида аниқ маълумотларга эга бўлмаганлар. Бу шубҳасиз, албатта. Шу боисдан Бухоронинг қадимги тарихини баён этишда улар ўз замонларида ҳалқ оғзаки ижодида мавжуд бўлган ривоят ва афсоналарни асос қилиб олганлар ва улардан далил сифатида кенг фойдаланганлар.

Шу тариқа Бухоронинг ёши ҳақида «Бухоро тарихи» китобида келтирилган барча маълумотлар белгилаб олиниди. Эндиликда уларниң воқеликка қанчалик якин эканини аниқлаш лозим эди. Бунинг учун аввало Бухоронинг осориатиқаларини кенг кўламда ўрганиш лозим эди. Ҳолбуки, «Бухоро тарихи»да таъриф этилган кўҳна арк — куҳандиз ҳам, шаҳристон ҳам, шунингдек «Бухородан қадимроқ» деб тасвирланган Вардона, Пойканд, Варахша, Ромитан ва Ромуш харобалари тепа

<sup>11</sup>. Ўша асар. 27-бет.

шаклида бизнинг замонамизгача етиб келган. Кўҳна тарихнинг бу обидалари бағрида, шубҳасиз, Бухоронинг узоқ ва яқин ўтмишининг излари жуда яхши сақланган. Бу ёдгорликларни тадқиқ этиш узоқ йиллар давомида фанда ечилмай келган бухороликларнинг орзусига айланган Бухоронинг ёши масаласига ойдинлик киритиши муқаррар эди.

## АРХЕОЛОГИК ҚҰЗАТИШЛАР, ҚАЗИШЛАР ВА ИЗЛАНИШЛАР

«Бухоронинг ёши нечада?» деган жумбоқни ечиш учун кенг кўламда тадқиқотлар олиб бориш, бевосита шаҳар ҳудудининг ўзида археологик қазишишмалар ўтказиш лозим эди. Чунки илк бор қад кўтарган ўзининг қадимий жойидан бир неча бор силжиган Самарқанд, Тошкент ва Қарши шаҳарларидан фарқли ўлароқ, Бухоро бир қатор тарихий фожеаларни бошидан кечирган, ҳатто 1220 йилда Чингизхон қўшинлари томонидан батамом ер билан яқсон қилиб ташланган бўлса-да, вақт ўтиши билан айни аввалги ўрнида худди Хумо қуши каби қад ростлади. Шаҳарнинг мана шундай қисмати оқибатида унинг остида қалин маданий қатлам ҳосил бўлган. Асрлар оша унинг бағрида сақланиб келаётган бу қатлам қаъридаги моддий-маданият қолдиқлари эса тадқиқотчилар учун Бухоронинг узоқ ўтмишини ёритиб, унинг ёши ҳақидаги муаммони ечиб берадиган жуда бой ва ягона тарихий манбага айланган.

Бу тарихий шаҳар рўйи замини остидаги маданий қатламларни очиб, унинг қадимий моддий-маданият изларини ўрганишга бўлган қизиқиш тадқиқотчилар ўртасида қанчалик ортиб бормасин, унинг остки қатламларини қазиб, тадқиқ этишга ҳар ким ҳам мұяссар бўлавермади. Аввало Бухоронинг қадимги қисми ҳисобланган эски маҳаллаларда зич жойлашган аҳоли турар жойлари ва тарихий обидалар кенг кўламда археологик қазишишмаларни амалга ошириш учун имкон бермади. Қолаверса қазиб очилган участкаларда ерости сизот сувларининг интенсив кўтарилиши унинг остки қатламларини кавлаб очишга тўскенилик қилди.

Бухорода дастлабки археологик тадқиқотлар ўттизинчи йиллардаёқ бошланган эди. Ўша пайтдаги қазишишлари шаҳардаги айрим монументал меъморий обидаларни тадқиқ қилиш, уларни таъмирлаш билан боғлиқ эди. Ўша вақтларда Мағоки Атторий масжиди яқинида қазишишмалар олиб борган тадқиқотчи В. А. Шишгин

ҳам, сўнгра 50-йилларда Минораи Калон пойдеворини қазиб очган археолог С. Н. Юреков ҳан еrostи сувларини булоқдек қайнаб чиқиши оқибатида шаҳарниң қадимги саҳнингача кавлаб етолмаган эдилар.

Ўзбекистон ҳудудида шаҳарлариниң пайдо бўлиши ва шаҳар маданиятиниң шаклланиб, ривожланиши тарихини ўрганиш муносабати билан 60-йилларниң охирига келиб академик Я. Ғуломов раҳбарлигида маҳсус археологик экспедиция ташкил этилди. У Бухоро шаҳри ҳудудида ҳам кўп йилларга мўлжалланган мунтазам археологик қазиш ишларини уюштируди. Даставвал 1970—1974 йилларда, сўнгра 1977—1980 йилларда Бухорониң эски шаҳар қисмидаги бир неча жойда кенг кўламда археологик қазишмалар ўтказилди. Бу вақтда замонавий техника воситалари билан қуролланган археологлар гуруҳи янги усул ишлаб чиқиши. Эндилика, одатдагидек майдаги қудуқлар эмас, аксинча катта ер майдонларида сурункасига қазишмалар амалга ошириладиган бўлди. Аҳоли зич жойлашган бугунги Бухорода қазишмалар учун очиқ майдонлар излаб топиш ҳам осон кўчмади. Ниҳоят, сайнёхларга ҳам яхши таниш бўлган обидалар — музей қўриқхона «Зиндан», Масжиди Калон ва Мирабад мадрасаси, Тоқи Заргарон ва Абдуллахон тими ўртасида жойлашган майдонлар, 11—13 гектарга тенг қадимий Шаҳристон ҳамда Аркнинг ялангликдан иборат шарқий қисми маъқул топилди.

Бу участкаларда юқори аралаш қатламлар қудратли экскаваторлар ёрдамида, остиси эса фақат белкурак ва кетмонлар воситасида — қўлда қарийб 20 метр чуқурликда бир неча улкан хандақлар қазилди, сизиб чиқсан еrostи сувлари насослар ёрдамида сўриб олинди. Хандақларниң лаблари айрим участкаларда ўпирилиб, минглаб тонна тупроқ қазишма майдонларини босиб қолишига қарамай, деярли ҳамма қазишма участкаларида биз Бухорониң ботқоқлик устида ҳосил бўлган қадимги рўйизаминига қазиб очишга мусассар бўлдик. Асрлар давомида Бухорониң баъзи жойларида 14 м, баъзиларида эса 20 м ли қалин маданий қатлам вужудга келгани аниқланди. Ундан топилган хилма-хил археологик топилмалар шаҳар ҳаётиниң турли тарихий даврларига мансуб бўлиб, улар шаҳарниң пайдо бўлишидан то асримизниң бошларигача бўлган тадрижий тараққиётини намониш этар эди.

Бухоро ва унинг вилояти бўйлаб археологик обидаларни тадқиқ қилиб, ўлканниң қадимги тарихи зарварақларини тиклашда Я. Ф. Ғуломов, А. Р. Муҳаммад-

жонов, В. А. Шишкун, В. А. Нильсен, А. Асқаров, У. Исломов, М. Р. Қосимов, Х. Мұхамедов, С. Сулаймонов, И. Ахроров, Т. Мирсаатов, О. В. Обельченко, С. К. Кабанов, В. Д. Жуқов, Г. В. Шишқина, В. А. Булатова, В. И. Спиршевский, Н. Б. Немцева, Х. Дуке, Ж. К. Мирзағмедов, П. Валиев, Г. Дарабоев, У. Олимов, Ш. Т. Одилов, Г. Л. Семенов, Е. Г. Некрасова ва бошқаларнинг ҳиссаси айниңса катта бўлди.

Бухоро ва унинг атрофида йиллар давомида муттағил олиб борилган археологик тадқиқотлар ўз самарасини берди. Улканинг қадимги табиати, аҳолиси ва унинг яратган ўзига хос маданияти, ўзлаштирилиб обод этилиши ҳамда унда ибтидоий чорвачилик ва дәхқончилик хўжалиқларининг шаклланиши, шунингдек катта-кичик қишлоқ ва шаҳарларнинг пайдо бўлиши тарихига онд бой фактик маълумотлар түпланди. Шубҳасиз, улар Бухоро шаҳарининг пайдо бўлиши тарихининг аёна эмас, балки Зарафшон водийсида урбанизация жараёнининг вужудга келиши ва унинг ўзига хос хусусиятларини ўрганишда асосий манба бўлиб хизмат қиласди.

## АМУДАРЁГА ҚУЙИЛГАН ҚАДИМИЙ ЗАРАФШОН

Қадимда Мисрни «Нилнинг хадяси» деганларидек, Бухоро воҳасини ҳам Зарафшон дарёсининг инъоми деса бўлади. Чунки дарё адогида жойлашган бу ўлқанинг ўзи, авваламбор, Зарафшоннинг минг йиллар давомида оқизиб келган майда лойқа ётқизиқлари туфайли вужудга келган. Унинг тошқинларидан ҳосил бўлган сонсаноқсиз ирмоқлар, кўл ва кўлмаклар эса воҳа табиатининг шаклланиши ва ўзлаштирилиб, обод этилишида муҳим восита ҳисобланган.

Маълумки, музликлар даври тугаб, об-ҳаво илий бошлигач, Туркистон, Ҳисор ва Зарафшон тоғ тизмаларининг кифтини қоплаб ётган қалин музликлар, абадий қорликлар эриб, улардан ҳосил бўлган улкан тошқинлар Зарафшон дарёси бўйлаб ниҳоятда ҳайқириб оққан. Унинг ўша замонлардаги ҳайқирган тошқинлари, шубҳасиз афсоналарда тасвирланган машҳур «Нух тўфони»ни эслатган. Ўша замонларда Зарафшон ўз водийсида ниҳоятда кенг майдон бўйлаб ёйилиб оққан. Унинг ўнг қирғоғи ҳозирги Самарқанд вилоятидаги Пойариқ ва Хатирчининг адирларини, сўл қирғоғи эса Пастдарғом ва Қаттақўрғон қирларини ювиб ўтган. Бу катта оқимнинг бирор томчиси ҳам Зарафшон водийсининг юқори ва ўрта қисмларида на дәхқончилик ва на обо-

дончилик учун сарф бўлмай, у ҳозирги Навоий шаҳри яқинида тор Хазора дарбандини ёриб ўтиб, конусимон шаклда Бухоро воҳасига оқиб кирган. Бухоро воҳасида у қадимги Хитфар (Вобкентдарё), Рудизар (Шаҳруд), Қоракўлдарё, Мохондарё ва Тайқир каби бир нечта тармоқлар ҳосил қилиб, бутун воҳа бўйлаб ёйилиб оққан. Ўша замонларда ҳозирги Бухоро вилоятининг водий қисми Зарафшоннинг тошқин сувларидан ҳосил бўлган кўл ва ботқоқликлардан иборат бўлиб, улар қалин бутазор, чакалакзор ва тўқайзорлар билан қопланган.

Бухоро воҳасининг бу қадимий табиий манзараси X асрда яшаган вобкентлик тарихчи Муҳаммад Наршахийнинг «Бухоро тарихи» асарида қўйидагича тасвирланади: «Ҳозирда Бухоро (ўришган) бу мавзе, (илгари) ботқоқлик бўлиб,— деб тарифланган китобда — унинг баъзи ерларини тўқайзор, дарахтзор ва кўкарамзорлар ташкил этган. Айрим жойлари эса шундай бўлганки, бирон ҳайвон ҳам оёқ қўйишга жой топа олмаган. Бунинг сабаби шуки, Самарқанд томондаги вилоятлар тоғларида қор эриб, суви (оқиб келиб) ўша жойга йиғилиб ётар эди.

Самарқанд томонида бир катта дарё борки, уни «Руди Мосаф» — «Мосаф дарёси» деб атайдилар. Бу дарёга кўп сув йиғилган, у бир талай ерларни ювиб — ўпириб, кўп лойқаларни суриб келган ва натижада, бу ботқоқликлар тўлиб қолган. Сув кўп оқиб кела берди, лойқаларни то Битик ва Фаробгача суриб келтира берди. Сўнг сув (тошиб келиши) тўхтади, Бухоро ўришган жой (аста-секин) тўлиб текис ерга айланди ва шундай қилиб, у катта дарё Суғд ва бу (loyқалар билан) тўлган мавзе Бухоро бўлиб қолди». <sup>12</sup>

Айни ўша замонларда ҳозирги Қоракўл ва Олот туманлари ўринида улкан кўл бўлиб, унга бир томондан Қашқадарёнинг иккинчи томондан Қоракўлдарё орқали Зарафшон дарёсининг сувлари қишин-ёзин муттасил қуйилиб турган. Ўрта аср ёзма манбаларида бу кўл «Бухайрайи Сомжан», яъни Сомжан денгизи, «Баҳр ул-Бухоро», яъни Бухоро денгизи, «Боргини Фарроҳ» — Кенг ҳовуз, «Мовозан Бойканд», яъни Бойканд яқинидаги кўл каби бир неча атамалар билан тилга олинади. Турклар уни «Денгиз» ёки «Қоракўл» деб юритишган. Бу кўлнинг узунлиги ҳам, кенглиги ҳам 20 фарсанг,

<sup>12</sup> Абу Бакр ибн Жаъфар Паршахий. Бухоро тарихи. Тошкент, 1966. 15-бет.

яъни 120—140 км га тенг бўлган. Бухоро денгизи ва Бойкандкўл номлари билан шуҳрат топган бу кўлнинг шимолий қирғоги Шибурдан ота баландликларига туташиб кетган Замонбобо адирликлари, жанубийси Денгиз кўлнинг жанубий соҳиллари, шарқийси Пойканд — Тайқир қирлари орқали Қарши даштига ва гарбий қирғоги эса, Олот текисликлари орқали Урганжий даштига — Қизил қумга бориб туташган. Мұхаммад Наршахийнинг ёзишича, бу кўл сув жониворларига ниҳоятда бой бўлиб, бутун Хурросон музофотида бу ердагидек кўп миқдорда парранда ва балиқлар тутилмаган.<sup>13</sup>

Голоцен даврида, яъни милоддан аввалги XII—X минг йиллиқда тектоник ҳаракатлар оқибатида Пойканд — Коракўл массиви бирмунча кўтарилади. Натижада Зарафшоннинг ҳайқириб оқсан қадими оқими Бухоро воҳасида дамланиб, ҳозирги Яккатут яқинида Моҳондарё ва Гужайли ўзанлари бўйлаб у Чуқуркўл, Моҳонкўл, Уртакўл, Чандиркўл, Замонбобо, Кичиктузкон, Каттатузкон, Лўхли, Оғачуюқ, Каидирли, Қайиқли, Қурбонбой, Раҳматбобо, Кичикпорсон, Каттапорсон ва Эчкиқирон каби бир қанча кўллар занжирини ҳосил қиласди, сўнгра 150 км масофада бутун Урганжий даштини кесиб ўтиб, Оқрабод ва Наргизқалъа деган жойларда Амударёга бориб қўйилади. Қадимда Зарафшонни Амударё билан туташтирган Моҳондарёнинг сувсизликдан кейинчалик қуриб қолган кўҳна ўзанлари ҳозирги вақтда тамоман қуриқ ва усти пўрсиқ шўр ҳамда атрофи юлғун босган бу кўллар орасида деярли билинмай кетган бўлса-да, аммо чўл бағрида, хусусан, барҳанлар остида жуда яхши сақланган. Баъзи жойларда унинг кенглиги 30 м чуқурлиги эса 1,5—2 м га боради. Моҳондарёнинг ўзанларидан бири Амударёнинг ўнг қирғогига жойлашган. У XI—XII аср ёдгорлиги Наргиз қалъа яқинида тўртта арнага ажralиб, дельта ҳосил қиласди ва чуқур ҳамда кенг жарликлар орқали Амударёга бориб туташади. Буни маҳаллий аҳоли «сувлот»<sup>14</sup> деб атайди. Улардан биринчиси Охур сувлот, иккинчиси Жилгинди сувлот ёки Юлғунли сувлот, учинчиси Шўр сувлот ёки Ойхон сувлот, тўртинчиси Сувли сувлот ёки Диғи сувлот номлари билан машҳур. Бу сувлотларнинг эни 75—125 м чуқурлиги 15—20 м га тенг.

<sup>13</sup> Уша асар. 25-бет.

<sup>14</sup> Дарё соҳили бўйлаб тошқин сувлардан ҳосил бўлган кўл ва кўлчаларни маҳаллий аҳоли «сувлот» номи билан аташади. Чупки бу кўлчалардан қўй отарлари сувлаган — сугорилган.

Мохондарёниг бир ўзани Наргиз қалъадан 18 км жунуби-шарқда жойлашган Оқрабод мавзеи яқинида Шүрәтоқ, Сарбой, Поянда, Қум сулот ва Жар сулот каби бешта тармоққа бўлиниб, у ҳам Амударёга бирлашади.

Шубҳасиз Мохондарёниг кучли оқимлари натижасида Амударёниг баланд ва мустаҳкам қирғоқлари ювилиб, ҳосил бўлган бундай чуқур ва кенг жарликлар қачонлардир узоқ ўтмишда Зарафшон сувларининг Жайхунга томон қанчалик шиддат билан оққанлигидан гувоҳлик берибгина қолмасдан, балки бу икки дарё алоқаларининг қадимги нишони — осорнатиқасига айланган.

## ҚУИИ ЗАРАФШОН ВОДИЙСИДА ИБТИДОИЙ МАДАНИЯТ ИЗЛАРИ

Асримизнинг 50—60-йилларида Зарафшон водийсида, хусусан унинг қуиин қисмида кенг кўламда ўтказилган археологик тадқиқотлардан маълум бўлишича, бу ўлка ва уни тўрт томондан ўраб турган даштликнинг табиий-географик шароити қадим замонлардан бошлабоқ ибтидоий одамлар яшаши учун жуда қулай бўлган. Топилиб, текширилган тош асри ёдгорликлари, қайд этилган сон-саноқсиз тош қуроллардан иборат топилмаларнинг географияси шуни кўрсатадики, ўта узоқ ўтмишда одамлар асосан тоғ ён бағирлари, сой жарликларининг ёқалари ҳамда тоғ этакларида ер қобишининг тектоник ёриғларидан қайнаб чиққан булоқлар атрофида яшаганлар. Чунки бундай жойларнинг табиати, хусусан ҳайвонот дунёси ниҳоятда бой бўлиб, овчилик учун қулай бўлган. Қазиб, ўрганилган ўрта палеолит (Урта тош асри — милоддан аввалги 150—40 минг йиллик) ёдгорликларининг маданий қатламларида қайд этилган турли хил ёввойи ҳайвон сүяклари қолдиқларига қараганда ўща даврларда Зарафшон водийсида фил, қўнғир айнқ, сиртлон (гиена), тур (ёввойи буқа), булон (буғу), кулон (ёввойи эшак), тоғ эчкиси, Осиё муфлони (архар), ёввойи буқа ва бошқа хил ов ҳайвонлари ҳамда турли туман паррандалар яшаган. Шу сабабли жуда қадим замонлардан бошлаб бу ўлка тош асри ибтидоий овчиларининг диққат-эътиборини ўзига жалб қилган. Шунинг учун ҳам тош даврининг ибтидоий маданият излари кўпроқ Бухоро воҳасининг шарқий томонида Қораторов ва Зарафшон тизмаларининг этакларида топилиб, ўрганилди. Водий бўйлаб қайд этилган Омонқўтон, Гўр-

дара, Самарқанд, Қўтирбулоқ, Зирабулоқ, Учтут, Воуш, Ижонд ва бошқа ўрта полеолит даврининг маконлари бунинг ёрқин далилидир.

Зарафшон водийсининг тоғлиқ ҳудудлари ибтидой одамларнинг яшаши учун қулай овлоқ жойлар бўлибги на қолмасдан, балки ўша даврининг тирикчилик воситаси — тош қуроллари ясашда асосий хомашё манбаи ҳисобланган. Тадқиқотчи X. Мухамедов томонидан 1958 йилда Навоий шаҳридан 22—25 км шимоли-шарқда топилиб, аввал М. Р. Қосимов, сўнгра Т. Мирсоатовлар ўрганган Учтут ўрта палеолит даври макони ва тош қуроллари ясаш устахонаси тош даврининг нодир обидаларидан ҳисобланади. Хомашё Қоратоғнинг чақмоқ тошли яланғоч кифти ва ёнбағирларидан, даставвал тоғ тизмаларидан синдириб, сўнгра кавлаб олинган. Тоғ ёнбағри ва макон теварак-атрофларида сочилиб ётган сон-саноқсиз чақмоқтош бўлаклари, ярим ишлов берилган хомаки ҳамда турли тош қуроллар қадимги кончи қуролсозларнинг меҳнат фаолияти изларидан далолат беради. Тош қуроллари орасида ҳар хил найзасимон, пичоқсимон тош пәрраклари, кескич ва санҷқилар ҳамда кўплаб тош учириндилари кўзга ташланади. Қўнғир ва кулранг чақмоқ тошлардан ясалган қуролларнинг аксарияти тошга ишлов бериш ва қурол ясаш техникаси жиҳатидан Зирабулоқ, Қўтирбулоқ, Омонқўтон каби мустеъ даври маконларидан топилган тош қуролларга ўхшаб кетади. Учтут ёдгорлиги давр жиҳатидан кўп қатламли бўлиб, остиқ қатламлари мустеъ, юқори палеолит ва мезолит аврларига, устки қатламлари эса неолит — янги тош даврига мансубдир. Шундай қилиб, Зарафшон водийси бўйлаб топилиб тадқиқ этилгац ўндан ортиқ тош асри ёдгорликлари бу ўлкада одамлар қадим замоилардан бошлаб яшаб келганидан гувоҳлик берса, Учтут макони ва чақмоқ тош бўлаклари қазиб олинган тош кони ва қуролсозлик устахонаси. Бухоронинг щарқий ҳудудлари ибтидой овчиларини меҳнат қуроллари ясашда чақмоқтош бўлаклари билан таъминлаб турадигай хомашё манбаи бўлган экан, деган хуносага келиш мумкин.

Бухоро воҳасини шимол ва шимоли-шарқ томонлардан ўраб турадиган Кўлжўктов, Сувсизтов, Оқтөғ ва Қоратоғ ёнбағирларидан оқиб тушган ката-кичик сойларнинг қадимги қўриқ ўзанлари адоклари маҳаллий аҳоли ўртасида Эчкиликкум, Даشت Урганжий номлари билан шуҳрат топган. Қизилкум бўйлаб ёғин-сочинлардан

ҳосил бўлган сон-саноқсиз қоқлар<sup>15</sup> атрофида, шунингдек Вобкентдарё, Мохондарё, Гужайли ва Гурдуш ўзанларининг қадимги делталаридағи ёйилмаларнинг тақирилари устида ҳар томонда сочилиб ётган мезолит (мил. авв. XII—VII минг йиллик) ва неолит (мил. авв. V—III минг йиллик) даврларининг микролит (майдада тош) қуролларига қараб фикр юритилса, Бухоро воҳасида мезолит ҳамда неолит даврларидан бошлаб ҳаёт анча гавжумлашгалигини билиш мумкин. Шубҳасиз, микролит қуроллар беҳад сочилиб ётган ерлар ибтидоий овчи ва балиқчи қабилалар яшаган макон ва манзилгоҳларининг ўрни бўлиб, афсуски бу узоқ ўтмиш ёдгорликларининг маданий қатламлари асрлар ўтиши билан шамол эрозияси натижасида емирилиб кўҳна туарожойларининг аксариятидан ному нишон қолмаган.

## КАТТАТУЗКОННИНГ НЕОЛИТ ДАВРИ ОВЧИ ВА БАЛИҚЧИЛАРИ ДАРВОЗАҚИРЛИКЛАР ЧАЙЛАСИ

Маълумки, 50—60-йилларда Я. Фуломов раҳбарлигида маҳсус археологик экспедиция қачонларди Зарафшон сувларини Амударёга элтган Мохондарё, Гужайли ва Гурдушларнинг қуриб қолган қадимги ўзанлари бўйлаб кенг кўламда археологик тадқиқотлар ўтказди. Уша йилларда топиб, текширилган қатор археологик ёдгорликлар туфайли бу қуруқ ўзанлар бўйлаб Зарафшон сувларининг хайқириб Амударёга томон оққан, сўнгра аста-секин сусайиб, оқишдан тўхтаб қолган ва ниҳоят сувсизликдан улар қуриб қолган даврлари аниқланди. Шу билан бирга, бу кўҳна ўзанлар ҳавзасига милоддан аввалги V—III минг йилликларда овчи ва балиқчи қабилалар келиб ўриашгани ва улар яратган ўзига хос маданият излари топиб ўрганилди.

1960—1963 йиллар давомида Гужайли бўйлаб Кичиктузкен атрофида 3, Каттатузкон 35, Мохондарё бўйлаб Лўхликўл ва Эчкиқирон атрофларида 2 ҳамда Пойканднинг жанубида Қашқадарёнинг қадимги қуруқ ўзани бўйлаб 11 жойда неолит даврига мансуб ёдгорликларининг қолдиқлари топиб текширилди.<sup>16</sup>

<sup>15</sup> Даингларда қор ва ёмғир сувлари жилгасидан ҳосил бўлган кенг, лекин саёз кўллар, яъни халқобларни чорвадор аҳоли «қоқ» номи билан атайди.

<sup>16</sup> Фуломов Я. Ф., Исломов У., Асқаров А. Ибтидоий маданият ва Зарафшон этакларида сугориладиган дехқончиликнинг вужудга келиши. Тошкент, 1966. 21—62-бетлар.

Қайд этилган ва қазишлар олиб борилган қатор ёдгорликларнинг жойлашган ўринлари ва улардан топилган турли хилдаги ашёвий топилмаларга қараганда, ҳозирги Қоракўл туманидаги Саёт қишлоғи ерлари («Тошкент» ва «Пайкент» қишлоқ жамоалари пайкаллари) ҳамда Замонбодан шимоли-гарб ва гарбда Амударёгача туташиб кетган Гужайли ва Мохондарё ҳавзалари (бу кенг майдон шарқда — Зомонбобо, Кичиктузкон ва Қаттатузкон, шимолда — Газов, Одилқудуқ, Учбош, Қурбонбой, Раҳматбобо ва Эчкиқирон, жанубда — Каптарникуми, гарбда — Оқрабод, Наргизқалъя ва Хатар деган жойлар билан чегараланади) милоддан аввалги V—III минг йилликларда Зарафшон водийси қуи оқимидағи энг хушманзара ва гавжум жойлардан бири бўлган. Ҳозирги кунда сувсиз, қуруқ ўзанлар, туз босган шўрликлар ҳамда оғир қумлук ва текис тақирикликлар билан қопланган дашт манзарасидан мутлақо фарқ қилган бу қадимги воҳа ўша замонларда ниҳоятда серсув бўлиб, табиат дунёси ҳам жуда бой бўлган. Воҳа ва унинг теварак-атрофи қалин бутазор, чангальзор, жийдазор, лўх-кўгай ва тўқайзорлар ҳамда уларга туташиб кетган поёнсиз даштилик ва қумликлардан иборат яйловлар бўлган. Мохондарё ва Гужайли тошқинларидан ҳосил бўлган кўл ва ботқоқликлар ва қалин чангальзорлар турли хил жониворларга сероб бўлган. Дарёвот ва кўл ёқаларидағи сувлотлар теварак-атрофи турли ёввойи ҳайъон подалари тўпланиб сувладиган овлоқ ўтлоқлардан иборат бўлган.

Ҳозирда оғир бархани қумликлар билан қопланган бу ўлканинг бундан 6—7 минг йил муқаддам табиий шароити қулай бўлганлиги сабабли бу ерларда Бухоро ва Қоракўлнинг энг қадимий аҳолиси яшаган. Бу аҳоли на чорвачилик, на деҳқончилик касб этишини билмай, фақат овчилик ва балиқчилик билан кун кечирган. Бухоро — Қоракўлнинг бу қадимги овчи-балиқчилари чакалакзорлардан устун, сарров, тўсин ва синчбоп дарахтлар қирқиб, тўқайзорлардан қамишлар ўриб, дарё бўйлари ва кўл соҳилларида улкан чайлалар бино қилгандар ва уларда катта патриархал оила бўлиб яшагандар. Бундай чайлаларнинг қолдиқлари У. Исломов томонидан 1961—1963 йилларда Қоракўл тумани марказидан 40 км шимоли-гарбда Қаттатузконнинг шимолий соҳилидаги Дарвозақир деган жойда топиб текширилди.

Қуи Зарафшонда қайд этилган 40 дан ортиқ неолит ёдгорликларидан фақат иккитасидагина маданий қатламлар сақланниб қолган холос. Бошқаларида қатлам-

лар шамол эрозияси оқибатида нураб битган. Дарвозақир-І ва Дарвозақир-ІІ ёдгорликларида олиб борилган қазишлардан маълум бўлишича, маданий қатламлар тоза кўчма қум қаватлари билан алоҳида-алоҳида ажралиб турган тўрт лойқа ётқизиқлар устида ҳосил бўлган. Ҳар бир қатламни синчилаб ўрганиш билан авваламбор, Гужайли оқимининг қадимги ҳолати ва Каттатузкон кўлидаги сув сатҳида содир бўлган ўзгаришлар, қолаверса бу сув маёнга билан чамбарчаст боғлиқ бўлган қадимий овчи балиқчиларнинг ҳаёти ва улар яратган ўзига хос ибтидоий маданиятнинг кўп томонлари аниқлаб олинди.

Каттатузкон соҳилида тақир устида ҳосил бўлган Дарвозақир-І маконининг учта маданий қатламлари уч қават тоза ва зич қум қатламлари билан қопланган. Қатламларнинг бундай ҳолати шубҳасиз неолит даврида Каттатузконда сув сатҳи бир хилда бўлмай, балки у доимо ўзгариб турганидан далолат беради. Фикримизча, ҳар бир маданий қатлам устидаги тоза қум қатлами Каттатузконнинг суви батамом қуриб, ёки ниҳоятда пасайиб кетиши оқибатида балиқчилар ўз маконларидан кўчиб кетган вақтларида шамол учиреб келтирган кўчма қумликлардан ҳосил бўлган. Қум қаватлари билан алмашиб турган маданий қатламларга қараб ҳукм чиқарганда, неолит даврида дарвозақирларлар ўз маконларини уч марта ташлаб кетғанлар, сўнгра яна ўз жойларига қайтганлар.

Дарвозақир-І маконида қазишмалар олиб борилган вақтда унинг саҳнидан тўғри бурчакли тўртбурчак шаклидаги чайла ўрни аниқланди. Чайланинг катталиги 7x11,6 м, саҳни 81,5 кв мга тенг. Синчкори бу иморатнинг гирдини белгилаб, тархини аниқлашда тақир бетида сақланиб қолган устун ва синчлар учун ўйилган чуқурчалар жуда қўл келди. Чайла саҳнининг иккни ва тўрт бурчагида эса тўртта устунлар ўрнатилган каттароқ чуқурчалар, гирди бўйлаб синчлар учун кавланган кичикроқ чуқурчалар тақир устида жуда яхши сақлайнган. Чуқурчалар ўрнининг мутаносиблиги чайланинг олти устунга, тўртбурчак ва томи тўрт томонга нишаб қилиб ёпилганини белгилаб берди. Чайланинг эшиги шарқ томонда бўлиб, у қўл томонга қараган.

Чайла ташқарисида ёнғиндан бир мунча қизарган бир нечта ўсоқ ўринлари қум остида қолиб кетган. Ўчоқлар атрофида ҳамда чайла ичида оқ, сарифимтир-оқ ҳамда қизғиш-қўнғир рангли чақмоқ тошлардан ясалган қуроллар, сопол идишлар бўлаклари, ов қилиб

истеъмол этилган балиқ, парранда ва турли хил ёввойи ҳайвонлар сүяклари сочилиб ётарди. Тош қуроллар орасида ўқ-ёй пайконлари, камон ўқлари ва ўроқ дасталари ясашда ишлатиладиган ўроқрандалар, ҳайвон теринин ишлаш, ошлаш ва улардан кийим-бош, ёпинчиқ, тўшак ҳамда чориқлар тикишда кенг фойдаланиладиган пичноқсимон кескичлар, турли хил қирғичлар, тешгич ва сўзанлар, синган сопол идишларни чегалашда мунчоқ ва маржонларни тешиниша ишлатиладиган пармачалар, кошо (нефрит) тошидан ясалган пона ва болтачалар ҳамда ўроқ тишлигининг қадамалари, кўпдан-кўп майдо тош ўчиринди ва бўлакчалари бор эди. Ҳар бир тош қуроли қандай асбоб сифатида ишлатилганини аниқлаш учун У. Исломов томонидан минглаб топилмалар икки кўзли бинокулярли микроскоп остига қўйилиб, уларнинг тиғларида билин-билинмас сақланниб қолган иш жараёнининг излари синчиклаб тадқиқ этилди.

Топилмалар орасида сопол идиш бўлаклари ниҳоятда кўп бўлиб, аксариятининг сиртига ботирма чизиқли нақшлар тортилган. Нақшлар ҳам ўзига хос ва анчамунча бой. Улар горизонтал, тик, диогонал тортилган тўлқинсимон ва қўш чизиқли, учбурчак, ромба, трапеция, бошоқсимон тароқсимон ва бошқа хил шакллардан иборат. Сопол идишларнинг туби тухумсимон ёки думалоқ шаклда ишланган. Улар маҳсус чуқурчага ёки қумлик устига ўрнатиш, шунингдек қозиқ ёки чайла устунларига осиб қўйишга мўлжалланган. Сопол идишлар 3—4 литр ҳажмда суюқлик элитадиган хўқача, хурмача, қозон ва товоқлардан иборат. Уларда шубҳасиз, овланган балиқ, парранда ёки турли хил ёввойи ҳайвонлар гўштларидан шўрва қайнатиб, истеъмол қилингани эҳтимолдан узоқ эмас, албатта. Қизизи шундаки, Каттатузкон атрофида ҳамда Дарвозақирда топиб, ўрганилган сопол идишлар ва уларнинг сернақш бўлаклари Зарафшон водийисида касб этилган илк кулолчиликнинг маҳсали ҳисобланади. Чунки неолит давригача бу ўлкада хали сополсозлик кашф этилмаган эди.

Археологик топилмаларнинг таҳлили шуни кўрсатадики, неолит даврида Каттатузкон соҳилларида Дарвозақир-I—II маконларида истиқомат қилган қадимги аҳолининг иқтисодий ҳаётida овчилик, хусусан балиқ ови хўжалик юритишининг асосий манбай бўлган. Бу хўжалик билан бевосита боғлиқ бўлган микролит тош қуроллар ясаш технологияси юқори даражада бўлиб, ҳатто улар тошини пармалаш, хирпалаб тиф чиқариш,

микролит қадамаларни дасталарга ўтқазиб, ўроқ, пи-  
чоқ, арра каби махсус қуроллар ясаш техникасини мұ-  
каммал билгандар.

Хуллас Қүйи Зарафшон ва Қашқадарё этакларида  
Дарвозақыр-І—ІІ, Қатта, Қичиктүзконлар, Эчкиқирон,  
Каптарниқуми, Қоронғишишүр, Қизилқыр, Пойканд, Құм-  
султон ва башқа күпгина ёдгорликлардан топилған ашё-  
вий қолдиқларни чуқур ўрганиш; Қорақалпоғистон, Қо-  
зогистон, Үралбүйін ва башқа жойлардан топиб тадқиқ  
этилған неолит даври ёдгорликлари топилмалари билан  
қиёслаш натижасыда шу нарса маълум бўлдики, Қат-  
татузкон соҳилларида яшаган қадимги овчи-балиқчи  
аҳолидан сақланиб қолган моддий маданият излари қа-  
димги Хоразм тупроғида Амударё этакларида С. П. Тол-  
стов томонидан кашф этилиб, ўрганилған машҳур «Кал-  
тамиорниклар маданияти»га мансуб бўлиб, улар ми-  
лоддан аввалги IV—III минг йилликлар билан сана-  
лади.

## УЧТУТНИНГ ИБТИДОИЙ ҚОНЧИЛАРИ ВА СҮНГИ ТОШ ДАВРИ ШАХТАСИ

Қүйи Зарафшонда ибтидой маданият излари тас-  
вирланар экан, унинг асоси ҳисобланған тош қуроллар  
ясаш техникасини юқори сифатли хомашё — чақмоқ-  
тошлар билан асрлар давомида таъминлаб турған күхна  
тош конлари — «санғбур»лар ҳамда улардан керакли  
миқдорида хомашёни қазиб олиб, қуролсозларга мут-  
тасил етказиб берган қадимги кончилар фаолияти ҳам  
диққатга сазовордир. Маълумки, Зарафшон этакларида  
қайд этилған тош қуроллар ниҳоятда сифатли оқ ва  
саригимтири-оқ халцедон, нефрит ва опаллардан ясал-  
ган. Бундай тошлар күпроқ Марказий Қизилқұмда Ол-  
тинтов ва Букантов қатламларида учрайди. Қуроллар-  
нинг маълум қисми оч жигарранг ва кулранг чақмоқтош-  
лардан ишланған. Бундай тоғ жинслари эса қадимдан  
Навоий шаҳридан шимолда жойлашған Учтут яқинни-  
даги Қоратоғдан қазиб олинған.

Учтутда археолог М. Қосимов ва Т. Мирсоатов-  
ларнинг олиб борган қазиши ишларидан маълум бўли-  
шича, Учтутнинг қадимги тош кони — Санғбуридан фа-  
қат мустеъ давридагина эмас, балки юқори палеолит,  
мезолит ва неолит даврларида ҳам хомашё манбаи си-  
фатида фойдаланилған экан. Қизифи шундаки, янги тош  
давригача хомашё, асосан тоғ юзасига чиқиб қолган  
чақмоқтош қатламларидан 'синдириб олинған бўлса,

неолит даврига келгач, хомашёни энди ер остидан қазиб олина бошланган. Археологик тажрибалардан маълум бўлишича, тоғнинг остки қатламларидағи асрий чақмоқтошлар очиқ майдон бетига чиқиб қолган қатламлардаги чақмоқтош жинсларга нисбатан сифат жиҳатидан юқори бўлган. Улардан исталган шаклдаги ниҳоятда кескир тош қуроллар ясаш ҳам енгил, ҳам унумли бўлган. Шунинг учун ҳам минг йиллар давомида, бир томондан, хомашё хусусиятларини пухта ўрганиб, қолаверса тошни ишлаш технологиясини тўла эгаллаб олган қадимги кончилар ўз даврининг моҳир сангтарошлиари бўлиб, чақмоқтошларнинг сифатли навларини ахтариб топиб, уларни тоғларнинг қаеридан ва қандай усулда қазиб олишни яхши билганлар.

Учтут тош қуроллари ясаш устахонаси ва Сангбурида юздан ортиқ неолит даври шахтаси қайд этилиб, улардан 26 тасида қазишлар ўтказилди. Шахталар оғзи доира ёки воронкасимон шаклдаги ўралардан иборат бўлиб, чақмоқ тош бўлаклари қазиб олиш натижасида туби кенгайиб камарга айланган. Баъзан 2 ёки 3 шахта чоҳларининг камарлари туташтирилиб, лағм — тунелга айлантирилган. Шахталар оғзининг диаметри 1,5—2 м, чуқурлиги 3—4 м, лағмларнинг узунлиги 4 м гача, кенглиги 1,5 м, баландлиги 1,8 м га боради. Шахта деворларида айниқса бел қисмларида диаметри 2—3 см ли қозиқсимон предметнинг сурункасига бетартиб туширилган ярим доира шаклидаги ботиқ излари яхши сақланган. Йизлар ҳамда чоҳ тубидан топилган йирик шоҳли ҳайвонларнинг минераллашиб кетган шоҳларига қараганда, неолит даврининг шахталарини қазиша Учтутнинг қадимги кончилари тур, ҳўқиз, буғу каби ҳайвонларнинг шоҳларидан ясалган чўкич, чўт ва ўйғичлар каби қуроллар билан 3—4 м ли чоҳлар қазиб, уларни тунеллар билан бирлаштириб, тоғ қаъридан чақмоқтош бўлакларини олганлар. Шахталарнинг туби, камари ва тунеллардан топилган кўпдан-кўп ашёвий қолдиқларга қараганда, ер қаъридан чақмоқтош бўлакларини қазиб, уларни тош болғалар билан синдириб олишда неолит даври кончилари қайроқ тошлардан ясалган босқон, сандон ва болғалар сифатида ишлатилган турли хил қўпол тош қуролларидан кенг фойдаланишган. Неолит даврида ҳар бир шахта қудуғини ковлаш учун қанча вақт сарф бўлганини аниқлаш мақсадида маҳсус археологик тажрибалар ўтказилди. Кон ишлари учун тош, ёғоч ва ҳайвон шоҳларидан ясалган маҳсус чўкич, чўт ва урғичлар воситаси билан ўралар қазилиб,

тубидан чақмоқтош бўлаклари ковлаб олиниди. Тажри-  
балар шуни кўрсатдики, тош чўкичлар билан чуқурли-  
ги 170 см, диаметри 90 см ли ўра 18 соатда, шох чўкич-  
лар билан чуқурлиги 230 см, диаметри 120 см ли чоҳ  
8 соатда, ёғоч ўйғичлар билан эса чуқурлиги 235 см,  
диаметри 120 см қудук 7 соатда ковлаб очилди.

Утказилган тажриба кўрсаткичларидан маълум бў-  
лишича, шахталар ковлашда тош қуролларга нисбатан  
шох ёки ёғочдан ясалган ўйғичлар воситаси билан иш-  
лашда вақт икки баробар кам сарф бўлиб, ишнинг уну-  
ми ҳам анча-мунча юқори бўлар экан. Тадқиқотчилар  
Учтут, Воуш ва Ижонд атрофларида топилган қатор тош  
даври маконлари ва уларда қайд этилган хилма-хил  
тош қуроллари Зарафшон водийсининг қўйи оқимида то-  
пиб ўрганилган неолит даври ёдгорликларининг чақ-  
моқтош қуролларига солиштирас эканлар, улар ўртаси-  
да ҳам хили, ҳам ишлов техникаси, ҳатто фойдаланил-  
ган хомашё — чақмоқтош турлари жиҳатидан ҳам жуда  
ўхшашлик бор эканини қайд этадилар. Шунга асосан  
Учтутнинг неолит даври шахтасини милоддан аввалги  
V—III минг йилликлар билан санамоқдалар.

Тош асри ишлаб чиқаришининг асосий хомашёси —  
чақмоқтош қатламларини излаб топиб, уни ковлаб олиш  
мақсадида Учтутда шахталар қазиб, ишга туширган  
неолит даври кончилари, шубҳасиз, калтамиорликлар  
қабиласига мансуб бўлган. Қўйи Зарафшон ҳамда Мар-  
казий Қизилқумда кенг тарқалиб, овчилик ва балиқчи-  
лик билан кун кечириб келган ўз қабиладошларини улар  
хомашё билан муттасил таъминлаб турганилар. Балки  
улар ўртасида айирбошлиш ҳам мавжуд бўлгандир.

Шундай қилиб, Бухоро воҳасининг шарқий ҳудуди  
ҳисобланган Қоратоф этакларидан неолит даври шахта-  
си ва қадимги кончилар макони ҳамда устахоналари-  
нинг тадқиқ этилиши билан Марказий Осиёда ҳозирча  
ягона ҳисобланган нодир археологик ёдгорликлар маж-  
муи кашф этилди. Бу ибтидой кончиллик қолдиқларидан  
топилган турли хил ашёвий топилмалар бундан 5—7  
минг йил муқаддам Марказий Осиёда, хусусан Ўзбе-  
кистон ҳудудида илк бор тоғ саноатига асос солингани  
маълум бўлди. Бу осориантқаларни синчиқлаб ўрга-  
ниш билан Қўйи Зарафшонда ибтидой маданият из-  
ларининг тарқалган ҳудудлари белгиланиб, Бухоро та-  
рихи дебочасининг очиқ саҳифалари бирмунча тўлди-  
рилди ва бойитилди.

## САМИШСОЙНИНГ ҚАДИМИЙ СУВРАТКАШ-ОВЧИЛАРИ

Учтут шахтаси ва унинг атрофида археологик тадқиқот олиб борилар экан, қадимий Санғбурдан шарқроқда Қоратоғнинг жанубий ён бағрида жойлашган Сармишсой дарасида ибтидой маданиятнинг яна бир нодир обидаси — қоятошларга битилган петроглифлар қайд этилди. Ибтидой тасвирий санъатининг ажойиб намуналаридан ҳисобланган Сармишсойниң қоятош расмлари Қўйи Зарафшонда яшаган қадимги овчиларниң ҳаёти, эътиқоди ва маданиятини ўрганишда ўзига хос манзарали манба бўлиб, улар ўлканинг ўтмиш табиати, хусусан ҳайвонот дунёси, овчилик билан боғлиқ бўлган қадимги расм-руслар тўғрисида жуда қимматли маълумотлар беради.

Бу ибтидой тасвирий санъат асарлари Сармишсой дарасининг икки бетида қад кўтарган қоятошларниң силлиқ юзасига солинган. Уларниң асосий қисми учли асбоблар воситасида сурункасига зарб билан ёки ўткир қиррали кескичлар воситасида чизиб ёки тараашлаб чизилган. Минг йиллар оша уларниң энг қадимий нусхалари қўёш ва шамоллар таъсирида унниқиб, қорайиб кетган бўлса-да, улар чошгоҳ, кеч пешинларда кўзга яққол ташланади. Қўйи Зарафшонниң номаълум қадимги рассомлари томонидан моҳирона ўйиб ёки чизиб ишланган бу жозибали тасвирий санъат обидаларниң манзараси ранго-ранг ва мазмуни ииҳоятда бойдир. Сармишсой қояларида якка ҳолда осойишта турган узун шохли елкадор турлар ва ёввойи буқалар, шохлари атрофга буталаб кетган буфу ва булонлар, елиб бораётган тоғ такаси, оҳу, тўнғиз, бўри, қоплон, итлар ҳамда бирбири билан олишаётган турли хил ёввойи ва хонаки ҳайвонлар тасвирланган. Улар орасида овчилар ва овманзараларига бағишлиланган нусхалари айниқса сермазмун ва жозибалидир. Масалан, Сармишсойниң чап соҳилидаги қоялардан бирида белига садоқ (ўқдон) тақиб олган ва қўлига камон тутган овчининг бўксасидан ўқеган така томон югуриб бораётгани, така эса яраланганига қарамай жон-жаҳди билан қочиб кетаётган ҳолатлари ифода этилган. Яна бир расмда кўплашиб ёввойи ҳайвонларни ўраб олиб, туваётган овчилар тасвирланган. Расмлардан бирида овчи ола буқанинг олдида туриб камондан ўқ узмоқда. Овчилардан бири тўнғизни уриб йиқитган. Овда сайёдлар билан бир қаторда қатнашган този итлар тасвирланган манзаралар ҳам

бор. Расмлар орасида от чоптириб кетаётган چавондознинг ёки олис-олисларга йўл олган тия карвонларининг тасвиirlари айниқса дикқатга сазовордир.

Шуни таъкидлаш ўринлики, бу тасвирий санъат ёдгорликларда қадимги овчи қабилаларнинг овчилик билан боғлиқ бўлган меҳнат. фаолиятларигина эмас, балки уларнинг сураткашлик маҳорати, айниқса уларда хўжалик билан боғлиқ бўлган ҳайтий мушоҳадалари, ижодий маҳоратлари ҳам ифодаланган.

Бу нодир ибтидоий тасвирий санъат ёдгорликларининг тадқиқотчиси Абдужаббор Кабировнинг ёзишича, Сармишой ҳамда Биронсой қоятош суратлари, асосан овчилик ҳамда чорвочилик билан кун кечирган қадимги чорвадор қабилаларнинг тасвирий санъат намуналаридан бўлиб, улардан энг қадимииси милоддан аввалги II минг йилликка мансубдир. Бу даврда ибтидоий дехқончилик хўжаликлари шаклланиб, ривожлана бошлияди. Зарафшон ва Қашқадарё водийларининг қуин этакларига жойлашган Бухоро воҳасининг қадимий табиати чор атрофи даштиклар билан ўралган дарёвот адогларининг серсувлиги, ҳайвонот ва ўсимлик дунёсининг ранго-ранглиги, беҳад яйловлари сувлотлари бу хўжаликнинг қарор топишида муҳим роль ўйнайди.

## ЗАМОНБОБОЛИК БОБОДЕХҚОНЛАР МАСҚАНИ

Милоддан аввалги III минг йилликнинг охирларига бориб Зарафшон дарёсининг жўш уриб ҳайқирган қадимги оқими анча-мунча сусайнб, Мохондарё ўзани бўйлаб муттасил уриб турган унинг тошқин сувлари астасекин камайиб борган. Ниҳоят милоддан аввалги II минг йиллик давомида Мохондарё ва Гужайли ўзанларининг қуин қисмларига сув етмай, Катта тузкондек қадимги кўл деярли қуриб қолган. Худди шу даврдан бошлиб Зарафшоннинг Мохондарё орқали Амударёга қуилиши барҳам топиб, бу икки дарёниг қадимги алоқаси бутуилай узилган. Мохондарё ва Гужайли ўзанлари қуин қисмларининг қуриб қолиши оқибатида, бу ҳудуддаги янги тош давридан (милоддан аввалги V—III минг йиллик) яшаб келаётган аҳоли ўз маконларини тарк этиб, суви камайиб қуриб бораётган ўзанлар бўйлаб, уларнинг юқори оқими томон кўчгани кузатилади. Бу манзарани Мохондарёнинг ҳар икки ўзанлари бўйлаб, милоддан аввалги II минг йилликка мансуб архео-

логик ёдгорликлар ва айрим топилмаларнинг тарқалган майдонлари чегарасидан яққол кўриш мумкин.

Бу даврда аҳоли Каттатузкондан 20 км юқоридаги Замонбобо кўли, Кичиктузкон, Каптарниқуми ва Мохонкўл ҳамда қадимги Пойканд кўли атрофларига келиб ўрнашган. Шунинг учун ҳам милоддан аввалги II минг йиллик ва милоддан аввалги I минг йиллик бошларига мансуб археологик ёдгорликлар ва айрим топилмалар Мохондарё ва Гужайли ўзанларининг юқори қисми ҳамда Пойканд атрофларида учрайди. Бу ерларда бир неча йиллар давомида 30 дан ортиқ археологик ёдгорликлар топиб, ўрганилди. Бу ёдгорликларнинг бир қисми ўтроқ дехқончилик ва чорвачилик билан, иккинчи қисми эса чорвачилик ҳамда қисман дехқончилик билан шуғулланган аҳолига мансуб бўлиб, улардан биринчиси милоддан аввалги II минг йиллик биринчи ярми, иккинчиси эса шу минг йилликнинг охири ҳамда милодгача бўлган I минг йилликнинг бошлари билан саналанади.

Топиб төкширилган бу ёдгорликлар ва улардан чиққан турли хил ашёвий топилмалардан аниқланишича, бу даврга келиб қадимги бухоролик — қоракўлликлар ҳаётида иккι янги хўжалик — ибтидоий дехқончилик ва чорвачилик шаклланиб, улар аҳоли ҳаётининг асосий тирикчилик манбаига айланган. Овчилик ва балиқчilik шу даврдан бошлаб иккинчи даражали ёрдамчи хўжалик бўлиб қолган. Бу, шубҳасиз, Бухоро ва Қоракўлнинг қадимги аҳолиси ҳаётида янги тарихий давр бўлиб, ўлка аста-секин обод этилиб, уни иқтисодий жиҳатдан ўзлаштиришга киришилганидан, унинг аҳолиси эса батамом ишлаб чиқариш хўжалигига (гарчи у хали бошлангич ҳолатда бўлса-да) кўчганидан далолат берар эди.

Бу даврга мансуб археологик ёдгорликлар орасида Замонбобо кўлининг шимолий соҳилида қайд этилган ибтидоий дехқонларнинг қабристони ҳамда кўлдан 500 м шарқда — Гужайлиниг қуриб қолган қадимги ўзани ёқасида қазиб очилган турар жой харобалари айниқса диққатга сазовордир.

Маълумки, замонбоболик ибтидоий дехқонлар қабристони 1950 йилда Я. Гуломов томонидан топилиб, 1951—1953 йиллар мобайнида қазиб, ўрганилди. Ўз даврида Бухоронинг ибтидоий жамият тарихини ўрганиш масаласида бурилиш ясаган бу ёдгорликнинг топилиши тасодифий бўлмай, унда Я. Гуломовнинг Хоразмда С. П. Толстов билан ҳамкорликда олиб борган кўп йил-


лик археологик тадқиқотларидан түпланган улкан таж-рибаси, айниқса, унинг ибтидоий деҳқон жамоаларининг турмуш тарзи, истиқомат қилиш мумкин бўлган қадимий географик муҳит, қолаверса тарихий ўтмиш оқибатлари изларини кўз олдига яққол келтира олиши жуда қўл келган эди. Шу сабабли бўлса керак, тақир тупроқ орасида фавқулодда топиб олинган камон ўқининг тошдан ясалган пайкони бу нодир обиданинг кашфиётiga туртки бўлган. Чунки Замонбобо кўли соҳиляда жойлашган бу қадимги гўристоннинг кўзга ташланадиган бирорта ҳам белгиси бўлмай, усти бироз қумликлар билан қопланган текисликлардан иборат эди. Бизнинг давримизгача қабристондаги қадимий гўрларнинг фақат остки лаҳад қисмларигина сақланиб, уларнинг гирди ҳам текисланиб, мутлақо билинмай кетган, Қабрларнинг супа ва устки гумбаз қисмлари асрлар давомида тупроқ эрозияси оқибатида емирилиб, кучли шамоллар на-тижасида йўқ бўлиб кетган. Қазиб очилган 46 та гўр қолдиқларидан 8 тасида жуфт, 28 тасида эса якка ҳолда дағи этилган жасад скелетлари қайд этилди. Ҳатто икки қабрда катталар ёнига ёш бола жасади кўмилгани аниқланди. Сақланиб қолган скелетларнинг ҳолатига қараганда, жасадларнинг деярли ҳаммаси ўнг ёки чап ёни билан ёнбошлатиб, ғужанак тарзда дағи этилган.

Қазишмалар жараёнида эркаклар дағи этилган қабрларда, асосан ўқ-ёй пайконлари, пичоқсимон тоғ қуроллар ва турли шаклдаги сопол идишлар, аёлларга мансубларида эса, сопол идишлар билан бир қаторда жез кўзгу, упадон, сурмадон ва қаламқош каби косметика буюмлари, қимматбаҳо ва ярим қимматбаҳо жилвир тошлар: ложувард, феруза, ақиқ, сердолик ва бошқалардан ясалган турли шаклдаги мунчоқ ва маржонлар қайд этилди. Топилмалар орасида аёл ҳайкалчаси, ҳовонча дасталари, олтин мунчоқ ва бошқалар айниқса дикқатга сазовордир.


Хуллас, қазиб очилган қадимги қабрлар, уларда қайд этилган ашёлар бир томондан, ерга ишлов берувчи меҳнат қуролларининг ҳали такомиллашмаганидан, улар билан гўр қазиш ниҳоятда машаққатли бўлганидан, тор-танқис қабрларга марҳумларни букиб кўмиш одат тусини олганини кўрсатса, иккинчи томондан эса қуроляроқ, ҳатто аёл мурдаларини безаклари билан, идиштовоқларда эса емакликлар билан дағи этиш Қорақўлнинг ибтидоий деҳқон аҳлида қадим замонлардаёқ у дунёга ишониш эътиқоди мавжуд бўлганидан далолат беради.




1-расм. Тоқизаргарон яқинидаги археологик қазишма. 1974 йил,  
Бухоро шаҳри.




2-расм. Мирааб мадрасаси яқинидаги археологик қазишма. 1977  
йил, Бухоро шаҳри.




3-расм. Бухоро Арки археологик қазиши масининг остики маданий қатламлари кесими. 1980 йил.




4-расм. Бухоро Арки, археологик қазишима (умумий күриниши).  
1973—1974 йиллар.



5-расм. Мил. аввалин V—III минг юлдукларга оид дарвозацир-ликлар чайласы (кайта тиқтаптан). Коракүл гуманы.




6-расм. Құмработ, қадимғы дәхқончилік тураржойи. Мил. авв.  
VI—V асрлар, Конимек туманы.




7-расм. Мил. аввалги VI—V асрларға оид Арабоп-І қадимги дег-  
күччилик тураржойи, тарх. Конимек тұмани.


0 1 2 3 4 5 μ




8-расм. Мил. аввалги VI—V асрларга оид Чордара қадамги дең-  
қонларининг истеҳкомли тураржойи. Конимех тумани.



9-расм. Мил. аввалғы VII—VI асрларға оид кува-  
часимон сопол идиш. Қалқонота қабристони.



10-расм. Мил. аввалги VII—V асрларга оид сопол идишлар. Қалқонота қабристони, Қумрабод туаржойи. Конигмек тумани.




11-расм. Мил. аввалги IV—III асрларга оид сопол қадаҳлар. Бухоро шаҳри.




12-расм. Сопол ҳайкалчалар. Бухоро шаҳри.



13-расм. Милодий I—III асрларга оид подшо Гиркоднинг кумуш таңгаси. Қызылқир, Ромитан райони.




14-расм. Милодий X—XI асрларга оид шиша пидишлар. Бухоро шаҳри.



15-расм. Милодий X—XI асрларга оид ғыл суяғидан ясалған нард тошлары. Бұхоро шаҳри.



16-расм. Милодий X—XI асрларга оид шишка алембика ва сурмадон. Бухоро шаҳри.



17-расм. Милодий XI—XII асрларга оид созандачи аёллар тас-  
вирланған кошинилі сопол идии бұлғаги. Бухоро шаҳри.

Бухоронинг ибтидоий деҳқонларига мансуб обидаларни топиб ўрганишга ўзининг салмоқли ҳиссасини кўшган олимлардан яна бири — археолог А. Асқаров бўлди. 1961 йилнинг кузидан у Замонбобо кўлидан 500 м шарқроқда Бужайли дарёсининг қадимги қўриқ ўзанинг ўнг соҳилида жойлашган ибтидоий деҳқонларнинг тураржой қолдиқларини топиб, текширди. Ибтидоий деҳқонларнинг бу қадимги қишлоғи ярим ертўла ва тақир устига ўрнатилган иккита енгил чайладан иборат бўлиб, улардан бири бизгача жуда яхши сақланган. Аҳолиси томонидан ташлаб кетилган бу тураржойлар кўчма қумлар остида кўмилиб қолган. 1961—1964 йилларда олиб борилган қазишлар туфайли бу — қадимги деҳқонлар қишлоғи қолдиқлари тўла қазиб, синчиклаб ўрганилди.

Унинг умумий майдони, чайлаларнинг тархи, тузилиши, ишлатилган қурилиш материаллари, қайд этилган ашёвий қолдиқлар асосида бу ерда истиқомат қилган ибтидоий деҳқон жамоасининг ижтимоий, иқтисодий ва маданий ҳаётининг айрим томонлари аниқлаб олинди. Қазиб очилган биринчи тураржой ярим ертўла шаклидаги каттагина чайладан иборат. Унинг пойдевори тақир устига бир метрча чуқурликда ўйиб ишланган. Чайланинг узунлиги 23,5 м, кенглиги 9 м га teng. Чайла ичива атрофида устун ўрнатиш мақсадида ковланган чуқурчаларга қараганда, чайла синчкори бўлиб, деворлари юлгун навдаларидан четан қилиб тўқилган, атрофига лўмбоз босилиб, томи қамишлар билан икки нишабли қилиб ёпилган. Бу тураржойнинг умумий майдони 170 кв м бўлиб, унда 60—65 жон истиқомат қилган. Чайланинг ичи ва ташқарисида бир нечта ўчоқ ўринлари, хўжалик ўралари, улар теварагида сопот идиш бўлаклари, турли хил тош қуроллар, хонаки ҳамда ёввойи ҳайвон (эчки, қўй, қорамол, кийик, тўнғиз), парранда, балиқ суюклари, шунингдек ақиқ, ложувард ва сердолик каби жилвир тошлиардан ясалган мунҷоқ, маржон каби тақинчоқлар, жездан ясалган кўзгу парчалари сочилиб ётарди.

Бу қадимги жойнинг ҳовлисидан топилган хонаки кулолчилик хумдонининг қолдиқлари айниқса ноёб топилмалардан бўлиб, у Замонбобо ибтидоий деҳқонлар хўжалик ҳаётининг муҳим саҳифаларини аниқлаб олиш имконини берди. Диаметри 90 см ли бу хонаки хумдонча ноксимон шаклда қурилиб, ўртасида лой устунча, тепаси гумбазли, ташқариси сомонли лой билан сувал-

тан. Бир томонида оловхонаси бўлиб, гумбазидан бир нечта дудбурон тешикчалар қўйилган.

Замонбоболик ибтидой дэҳқонларнинг бу қадимги қишлоғи Гужайли қўйи ирмоқларидан биро уч томондан ўраб ўтган бурунда жойлашган. Шу сабабли у шубҳасиз, мавсумий дарё тошқини ҳавфи остида бўлган. Бундай ҳавфни олдини олиб, уни бартараф этиш мақсадида қароргоҳ шарқ ва жануб томонлардан маҳсус кўтарма банд — марза билан ўраб олинган. Дарё тошқинига қарши барпо этилган бу қадимги иншоотнинг узунлиги 10 м кенглиги 2м га тенг, бизгача 20—25 см баландликда сақланган. Бу ўзига хос ноёб осорнатиқа намуналаридан бўлиб, Бухоро воҳаси ҳудудида қайд этилган дастлабки энг қадимги сув иншооти қолдиғи эди. У, шубҳасиз сув иншоотлари — бандлар воситасида дарё тошқинларини бошқариб, сунъий суғориш барпо этила бошлаганидан гувоҳлик беради.

А. Асқаровнинг ёзишича, Замонбобо қабристони ва қароргоҳида топилган ашёвий қолдиқлар бир-бираiga жуда ўхшаб, улар қадимги замонбоболиклар, асосан дэҳқончилик ва хонаки чорвачилик билан кун кечиргандикларидан гувоҳлик беради. Топилган кўпдан-кўп тош асбоблардан: ёргучоқлар, чақмоқтошлардан ясалган ўроқ тиши қадамалари ҳамда бошоқли ўсимликлардан жайдари арпа ва буғдой донлари, сомон қолдиқларини назарга олсақ, Гужайлининг тошқин сувларини атрофга тараб дэҳқончилик қилган қадимги замонбоболиклар этиштирган ҳосилни қадама тош ўроқларда ўриб, донларини ёргучоқларда ёрма қилиб арпа ёки буғдой гўжа, кўмоч ва қўғирмоч ҳамда ҳалим каби емакликлар тайёрлаб, истемол қилганликлари эҳтимолдан узоқ эмас. Қазишлардан чиққан уй ҳайвонлари суюкларига қараганда, улар қадимги Гужайли воҳачасига тулашиб кетган кенг яйловларда эчки, қўй ва қорамол боқиб, чорвачилик маҳсулотларидан ҳам кенг фойдаланганлар. Чорва молларининг гўшти ва ёғидан ташқари, сутидан мой олиб, турли хил ичимликлар ва емакликлар: ширхўрда, ширқовоқ, қатиқ, сузма (чакки), қурт, қуртоба ва ҳоказолар тайёрлаб, истемол қилганлар. Қазишларда топилган айрим урчуқ тошлар ҳамда суюкдан ясалган сўзан ва игналарга қараб фикр юритилса, ҳайвонлар терисидан ташқари, улар эчки ва қўйларнинг жунини қирқиб, ундан ип йигириб кийим-кечаклар учун жун мато тўқиганлар, кигиз босиб, босма жун чакмонлар тайёрлаган бўлишлари ҳақиқатдан узоқ эмас.

Бу даврда касб этилган иккى янги хўжалик: дэҳқон-

чилик ва чорвачилик маҳсулотларининг доимий ва ишончли бўлиши туфайли тирикчилик қилиш тубдан ентиллашди. Одамлар тирикчиликдан бирмунча бўшаб, бироз дам олиш, йигилиб сұхбат қилиш имконига эга бўладилар. Қабрлардан чиққан турли хил тақинчоқлар, сурмадон, қаламқош, упа-элик солинган сопол идишчалар ва жез кўзгуларга қараганда, қадимги замонбоболик аёллар мол-хол ва бола-чақадан орттириб, ўзларига оро бериш учун вақт топа олганлар.

Қайд этилган ашёвий топилмаларга қараб фикр торитилса, замонбоболиклар жамоасида ҳунармадчиликнинг турли тармоқлари, хусусан, кулолчилик, жезни эритиб ундан асбоб, аёллар тақинчоқлари ва қуроллар қўйиш металлургияси, тошин ишлаш техникаси айниқса ривож топган. Сопол идишлари асосан қўлда ясалтаи. Уларнинг нақшсиз, тухумсимон ва ясси тубли, қисман чархда ишланганлари ҳам учрайди. Топилмалар орасида қўшни Бақтрия ёки Марғианада ясалган идишлар ёки Бадахшон ложувардидан ишланган безаклар ҳам бўлиб, шубҳасиз улар замонбоболикларнинг ўзларидан жануброқда яшаган ўтроқ деҳқон жамоалари билан ҳамда шимолроқда истиқомат қилувчи чорвадор аҳоли билан ҳам қандайдир айрбош савдо ва маданий алоқада бўлганидан далолат беради. Бу ёдгорликлар комплекси ўзига хос характерли белгилари билан тарих фанига «Замонбобо маданияти» номи билан киритилди. А. Асқаровнинг таъкидлашича, Замонбобо маданияти жанубининг ўтроқ деҳқончилик жамоалари таъсирида шаклланган, у хонаки чорвачилик ва мотига (кетмонча) деҳқончилиги билан кун кечирган Бухоронинг туб маҳаллий аҳолисига мансуб бўлиб, даставвал у милоддан аввалги II минг йилликнинг биринчи ярми билан саналанган. Кейинчалик Сурхондарё воҳасида қадимги ўтроқ деҳқончиликнинг «Сополли маданияти»га мансуб қатор осориатиқаларнинг топилиб, тадқиқ этилиши билан «Замонбобо маданияти» даврига бирмунча аниқлик киритилиб, ҳозирги вақтда у милоддан аввалги II минг йилликнинг ўрталари билан белгиланмоқда. Чунки милоддан аввалги 1750—1500 йиллар билан аниқ саналанган «Саполли маданияти» ёдгорликларининг сўнги босқичига мансуб қабрлардан Замонбобо топилмалариға айнан ўхшаш сопол идишлар ва жездан ясалган ашёлар қайд этилади. Бу икки хил маданият изларининг биргаликда учраши, шубҳасиз, Сополлининг қадимги ўтроқ деҳқонларининг сўнги ворислари замонбоболиклар билан бир даврда ёнма-ён яшаганликларидан ҳам-

да улар бир-бирлари билан яқиндан мuloқотда бўлганидан, қолаверса оқибатда бир-бирлари билан қон-қарнидош бўлиб кетганидан далолат берар эди. Бундай тарихий манзаранинг топилмаларда қайд этилиши эса, шубҳасиз, Замонбобо маданияти даврига берилган дастлабки санани бирмунча ёшартириш учун етарли даражада асос бўлди.

Шундай қилиб, милоддан аввалги II минг йилликнинг ўрталарида, яъни ҳозирги кундан қарийб 3—3,5 минг йил муқаддам Бухоро воҳасининг дарё адоқларида эндигина ибтидоий деҳқончилик ва хонаки чорвачилик билан шуғулланувчи илк қишлоқлар пайдо бўлиб, улар ҳам паҳса ёки хом гиштлардан қурилган монументал иморатлардан эмас, балки айрим ертўла ва чўпкори енгил чайлалардан иборат туаржойлардан ташкил топган. Бу илк қишлоқларда хонаки ҳунармандчиликнинг кулолчилик, мисгарлик, сангтарошлиқ, тўқимачилик каби турларигина мавжуд бўлса-да, аммо ҳали улар касб-ҳунарнинг ривож топган мустақил соҳаси даражасига етиб бормаган эди.

## ҚОРАҚҮЛНИНГ ИБТИДОИЙ ЧОРВАДОРЛАРИ

Милоддан аввалги II минг йилликнинг охири ва І минг йилликнинг бошларида Зарафшон оқими аввалги га нисбатан анча-мунча сусаяди. Қоракўлнинг Замонбободаги ибтидоий деҳқонлари суви қуриб бораётган қадимги Гужайли ерларини ташлаб, Зарафшоннинг суви доимий оқиб турадиган асосий ўзанлари ёқасига яқинроқ жойларга кўчиб бориб ўринашишга мажбур бўлади.

Худди шу замонларда шимолдан, Сирдарёнинг ўрта ва қуйи оқими ҳудудларидан, қадимги Хоразм ерлари орқали асосан чорвачилик ва қисман деҳқончилик билан шуғулланган ярим кўчманчи қабилаларнинг каттагина гуруҳининг Зарафшон водийси яйловларига, айниқса, дарё адоқлари атрофига келиб ўринашгани кузатилади. Бу ибтидоий чорвадорлардан сақланиб қолган моддий маданият обидалари даставвал Енисей дарёси бўйларида — Андроново, сўнгра Қорақалпоғистоннинг Тозабоғёп деган жойларидан топиб, текширилгани учун у тарих фанида «Андроново ва Тозабоғёп» маданиятлари номи билан шуҳрат топади.

Бу маданиятга тегишли аҳолини археолог олимлар милоддан аввалги II минг йилликнинг иккинчи ярмида Қозогистон даштларидан Марказий Осиёнинг шимоли-

шарқий ҳудудлари орқали келган чорвадор қабилаларга мансуб келгинидилар деб атадилар. С. П. Толстовнинг фикрича, уларнинг вакиллари қадимги Хоразм ерларида дастлаб милоддан аввалги II минг йилликнинг ўрталарида пайдо бўлган. Қайд этилган ва тадқиқ қилинган кўпдан-кўп осориатиқалардан маълум бўлишича, келгиниди чорвадор аҳоли ўша замонларда Марказий Осиёнинг дашти ва тоғ ён бағри яйловларида яшаганлар. Уларнинг қисқа муддат истиқомат қилган маконларининг қолдиқлари, айрим гўристонлари биргина Зарафшон водийси этакларида 26 жойда, Қашқадарё адоғида кўхна Пойканд кўли атрофида 5 пунктда, Вобкентдарёнинг қадимги дельтасида Хўжазаъфорон қудуғи яқинида 2 ерда топиб ўрганилди.

Топиб текширилган археологик обидаларнинг тарқалган жойларига қараганда, Қуйи Зарафшоннинг бу янги аҳолиси асосан Гужайли бўйлаб Кичиктузкон ва Замонбобо атрофларига ҳамда Қашқадарёнинг қуян оқимида жойлашган қадимги Пойканд кўли ёқасига келиб ўрнашган. Айниқса Кичиктузкон ва Замонбободан жануби-гарбда жойлашган Каптарникуми, Қамишли ва Ҳўкизқудук атрофларида қайд этилган ўнлаб манзилгоҳларнинг унчалик қалин бўлмаган қатламлари ва бу маданий қатламларнинг интенсив шамол эрозияси оқибатида емирилиб, улар орасидаги сопол идиш парчалари ва микролит тош қуроллар ҳамда жез буюм бўлакларининг гоҳ тақири устида, гоҳ қумликлар орасида ҳар томонга сочилиб ётиши, ўша замонларда бу музофотда ҳаётнинг жўш уриб қайнаганидан далолат беради.

Бу қадимги подачи қабилалар яратган маданиятни, хусусан уларнинг турмуш тарзи, дағи маросимлари, хунармандчилик даражаси ҳатто ташқи қиёфаларини тадқиқ этишда мозорларда қайд этилган топилмалар диққатга сазовордир. Қуйи Зарафшоннинг Замонбобо кўли яқинидаги Гужайли соҳилида даставвал 5 та қабр 1951 йилда Я. Фуломов томонидан қазиб ўрганилди. Иккинчи мозор 1958 йилда сўнгги антик давр қўргони Қизилқирнинг пастки қатлами остидан ковлаб очилди. Қабрлар, асосан ёрма гўр шаклида бўлиб, марҳумлар оёқ-қўллари букилиб, бир ёнига ёнбошлатиб, боши ғарб томонга қаратилган ҳолатда дағи этилган. Ҳар бир скелет ёнида ботирма чизиқ нақшлар билан безатилган туваксимон сопол идишилар, аёллар қабрларида тош ва жездан ясалган турли хил тақинчоқлар учрайди. Қадимги Хоразмнинг Оқчадарё дельтасида қазиб ўрганилган кўплаб ёдгорликларга қараганда подачи қабилалар сув

бўйларида бир ёки иккى онлаларга мўлжалланган унчалик ката бўлмаган тўртбурчак, марказида манқали бўлган ярим ертўла чўпкори чайлаларда яшаганлар. Дарёадогида сақланиб қолган майда суфориш тармоқларига қаргандা, улар яйлов подачилигидан ташқари, суформадеҳқончилик билан ҳам машғул бўлганлар. Уларда хонаки кулолчилик бирмунча ривожланган бўлиб, кўпроқ сиртига турли шаклдаги геометрик шакллар, тўлқинсимон чизиқлар ёки бошоқсимон нақшлар тортилган туваксимон идиш-товоқлар ясаб, ишлатганлар. Қалай ва мис қоришимасини эритиб, жездан пичоқ, бигиз, қармоқ, кўзгу, исирға, билакузук, мунҷоқ ва тўғиғиҷи каби турли хил буюм ва тақинчоқлар ясаганлар. Ургут яқинидаги Мўминободда қазиб очилган қабрларда қайд этилган зеб-зийнатларга қараганда улар олтин ва кумушдан нозик исирға ва ҳар хил тақинчоқлар ясашни билганлар. Ҳатто сувқдан сибизға ясаб, яйловларда уни чалиб юрганлар. Айрим сопол бўлакларида сақланиб қолган мато изларидан маълум бўлишича, бу подачи жамоалари жун йигириб, ундан турли хил матолар тўқиидиган хонаки тўқимачиликдан ҳам хабардор бўлганлар.

Зарафшон этакларида, хусусан ҳозирги Қоракўл тумани атрофида милоддан аввалги II минг йилликнинг охиргиchorагида келиб ўрнашган бу янги аҳоли аввал қадимги замонбоболик деҳқон жамолари билан ёнмаён яшаган, кейинчалик эса улар билан аралашиб қоракўлнинг туб аҳолисига айланган. Бунинг оқибатида бўлса керак, антрополог олимлар бу подачи аҳоли антропологик тип жиҳатидан замонбоболиклардан мутлақо фарқ қиласлиги, замонбоболиклар эса, Сурхондарёнинг Сополлик маданиятига мансуб ўтроқ деҳқон аҳолиси билан бир қиёфада эканини қайд этмоқдалар.

Шундай қилиб, келтирилган археологик маълумотларнинг таҳлили шундан далолат берадики, Қуйи Зарафшонда милоддан аввалги II минг йилликнинг охирларида ва милоддан аввалги I минг йиллик бошларида яшаган ибтидоий қабилалар «Андронов — Тозабоғёп» маданиятига мансуб бўлиб, гарчи уларнинг келиб чиқиши Жанубий Сибирнинг кўчманчи чорвадорларига бориб тақалса-да, аммо асрлар давомида Жанубий Қозогистон, Хоразм ва Марказий Осиёнинг дашт ҳамда водийлари аҳолиси билан олиб борган узлуксиз мулоқотлари оқибатида ерли деҳқон ва чорвадор жамоалирига аралашиб кетган ва қадимги Суғд маданиятининг шаклланишида маълум даражада иштирок этган. Худ-

ди ўша замонлардан бошлаб, Зарафшон этаклари, хусусан ҳозирги Олот, Қоракүл, Жондор ва Ромитан ат-рофларида чорвачилик ривож топиб, бу жойда Бухорининг қадимги чорвадор аҳолиси учун кенг яйлов, овчи ва балиқчилари учун қулай овлоқ масканга айланган.

## ҚУМРАБОТДА ҚАЗИБ ОЧИЛГАН ЭНГ ҚАДИМГИ ҚИШЛОҚ

Милоддан аввалги II минг йилликнинг охири ва I минг йилликнинг бошларида Марказий Осиёning даштликтарда яшаётган аҳолининг ҳаётида содир бўлганидек, Зарафшон водийси қуин қисмидаги қабилаларнинг чорвачилик хўжалигида ҳам тез суръатлар билан юксалиш жараёни кузатилади. Дарё адогининг табиий жиҳатдан деҳқончилик учун қулай майдонларида ярим кўчманчи чорвадорларнинг маълум қисми ўтроқлашиб, янги-янги деҳқон жамоалари шакллана бошлайди. Аммо суви қуриб бораётган Мохондарё, Гурдуш ва Гужайли ўзанларининг даштилка алланиб бораётган ҳавзасининг географик шаронти аҳолиси кўпайиб тобора кенгайиб бораётган ўтроқ ҳаёт учун нобоб ва истиқболсиз бўлиб қолади. Ярим чорвадор ва ярим деҳқон қабилалар бу қадимги ўлкани тарқ этиб, ҳозирги Бухоро воҳасининг шимолий ва шимоли-ғарбий қисмларига — Қизилтепа ва Вобкентдарё адоқларига томон силжигани кузатилади. Варахшадан 20 км ғарбда, Боштепа гурӯҳиноми билан машҳур бўлган ёдгорликлар теварак-атрофига; Қизилтепадаги Хўжабўстон Бояздий шаҳар харобасининг остки қатламларида қайд этилган сўнгги жез даври топилмалари бунинг ёрқин далилидир.

Айни шу даврда Зарафшон водийсининг юқори ва ўрта қисмларida сон-саноқсиз сой этакларида, чашмалардан ҳосил бўлган сизот сувлар ёқаларида ўтроқ деҳқон жамоалари қишлоқлари пайдо бўлиб, уларнинг ат-рофдаги чорводор аҳоли билан бўлган мулоқати кучайиб боради. Бир томондан, деҳқончилик ҳамда чорвачиликнинг юксалиши, иккинчи томондан, касб-ҳунарни, хусусан маъдан эритиш ва ундан қурол-яроғ, асбоб-ускуна ва зеби-зийнатлар ясашнинг ривож топиши, учинчи томондан эса, деҳқон ва чорвадор аҳолилар ўртасида айрбosh савдонинг кенгайиб бориши Зарафшон водийсида ҳам урбанизация жараёнини кучайтириб, қадимги Суғд маданиятининг шаклланишига олиб келади. Бу жараён, шубҳасиз, ишлаб чиқаришда янги хом ашё — темирни тоблаб, ундан қурол-яроғ ясашга ўтиш билан

чамбарчас боғлиқ бўлиб, археология фанида бу давр алоҳида «Темир даври» номи билан юритилади. У милодгача бўлган I минг йилликда бошланган.

Қадимги Суғд маданиятига мансуб урбанизациялаштан дехқон ва ҳунарманд жамоаларининг милодгача бўлган VII—V асрларга мансуб қишлоқлари аввал Үрта Зарафшонда, ҳозирги Самарқанд шаҳри ва унинг теварак-атрофларида чашма сувлар ва сой жилғалари бўйида. қад кўтариб, сўнгра аста-секин Зарафшон водийси бўйлаб янги-янги ерлар ўзлаштирилиб, унинг қуёни қисми томон силжиб боради. Навоий вилоятининг Қалқонота ва Конимех туманлари, Бухоро вилоятининг қадимги Варахша ерларидан фарброқда қайд этилган бундай қишлоқларнинг ҳаробалари ва мозор қўргонларга қараб фикр юритилса, милодгача бўлган VI—V асрларда фақат ҳозирги Бухоро воҳасининг шимолий ва шимоли-фарбий ҳудудларигина (Конимех ва Вобкентдарё адогидаги ерлар) ўзлаштирилиб, бу ерларда ўтроқ дехқончилик қишлоқлари қад кўтара бошлагани кузатилади. Бироқ, воҳанинг асосий қисми ҳали чакалакзор ва қамишзор партов ерлардан иборат бўлган. Чунки бу даврда ҳам Зарафшон сувлари водийнинг Самарқанд қисмida дехқончилик учун мутлақо сарф бўлмай, унинг йиллик оқими Бухоро ерларида халқоб бўлиб ётар, ҳатто унинг этагида (ҳозирги Қоракўл ва Олот туманлари ҳудудлари) илк ўрта аср ёзма манбаларида тасвирланган машҳур «Боргини Фароҳ», яъни «Улкан кўл» ҳосил бўлган эди.

Бухоро воҳасида энг қадимги қишлоқлар пайдо бўлиш жараёнини X аср Бухоро тарихчиси Муҳаммад Наршахий қуёидагича таърифлаган: «Аввал улар, бу ерга кўчиб келганлар, чодир ва ўтовларда турар эдилар, сўнг вақт ўтиши билан одамлар йиғилишиб иморатлар қурдилар... Ҳали Бухоро шаҳри вужудга келмаган, лекин қишлоқлардан баъзилари пайдо бўлган эди»<sup>17</sup>.

Дарҳақиқат, Варахша ва Конимех атрофларида қайд этилиб, тадқиқ қилинган милоддан аввали VI—V аср дехқончилик қишлоқлари ўрнашган ерларнинг географик шароити Наршахий тасвирлаган қадимги манзарани эслатади. Қишлоқ ҳаробаларининг деярли ҳаммаси дарё тармоқларининг арналари ёқасида жойлашган. Сувга яқин бундай ерларда майда суғориш тармоқлари воситасида сув боғлаб дехқончилик қилиш

<sup>17</sup>. Наршахий. Бухоро тарихи. 16-бет.

учун анча қулай бўлган. Бундай қишлоқларнинг харобалари Конимех тумани марказидан 5 км фарброқда Қумрабод, Арабон-1, Арабон-2 ва Чордара деган жойларда айниқса яхши сақланган. Бу ёдгорликларни, жумладан, Қумрабод қишлоқ ҳаробасини синчилаб қазиб очиш билан Бухоро воҳасида, хусусан, унинг шимолида қад кўтарған илк қишлоқларнинг қачон қурила бошлигани, тархи — иморатларининг тузилиши, хўжалик ҳаётти, айниқса ҳунармандчилик билан боғлиқ бўлган жуда кўп масалаларга ойдинлик киритилди. Милоддан аввалги VI—V асрларга мансуб бу нодир ёдгорлик Чордарарадан жанубда, Қумработ қишлоғидан 0,5 км жануби-ғарбда жойлашган. Ёдгорликнинг шимолидан ўтказилган коллектор туфайли, ұнинг бир қисми бузиб юборилган. Қишлоқ ҳаробасининг сақланиб қолган қисмининг майдони  $0,25$  гектарга ( $45 \times 50$  м) тенг бўлиб, у 9 хонали улкан уй, ҳовлиси ҳамда кулолчилик устахоналари бор, атрофи қалин дёвор билан ўралган мустаҳкам қўрғондан иборат. Қўргон ва иморат деворлари пахсадан урилган, қалинлиги  $1,2$ — $2,2$  м,  $0,6$  м баландликда сақланган. Кулолчилик устахонаси алоҳида қўрғоннинг шарқий томонида жойлашган. Үндан сопол идишлар пишириладиган диаметри  $1,1$  м бўлган иккى кўрали хумдон қазиб очилиб, унинг ѹқори қўраси бўзилиб, оловхонаси ичига қулаган тушган. Унинг ичида кулолчилик чархидаги ясалган кўпдан-кўп лаби юпқа, гардиши ясси жарангдор кува ва кувачасимон, мисқозон ва тоғарасимон сопол идишлар ва уларнинг бўлаклари қалашиб ётар эди.

Конимехнинг VI—V аср археологик ёдгорликлари орасида туман марказидан 5 км фарбда жойлашган Чордара тепалиги айниқса диққатга сазовор. Унинг майдони  $40 \times 20$  м, баландлиги  $11$  м га тенг. Бу баланд тепаликнинг остки қатлами узунлиги  $56$  см, эни  $28$ — $30$  см, қалинлиги  $7$ — $8$  см бўлган йирик ҳажмдаги тўртбурчакли хом ғиштлардан ҳамда пахсадан бино қилинган исстеҳкомли қўрғоннинг ҳаробасидан иборат бўлиб, ташки дёвори ва бир нечта хоналарида равоқсимон эшик ўрнлари ҳозиргacha жуда яхши сақланган. Қадимги Конимех воҳасида яшаган ўтроқ дехқонларнинг мозор қўрғонлари Шодибек ҳамда Қалқонота қишлоқлари яқинида қазиб ўрганилди. Гарчи қабрларнинг аксарияти ўша даврларда ёқ қазиб очилиб, дағн јашёлари ўғирлаб кетилган бўлса-да, баъзи далиллардан ўша давр дағн маросими тўғрисида айрим маълумотларни тўплаб, фикр юртиш мумкин бўлди. Мозор қўрғонлар диамет-

ри 7—18 м, баландлиги 0,5—1,5 м ли ясиланиб кетган гүмбазли қабрлардан иборат бўлиб, гўрхонаси унинг марказида жойлашган. У тўртбурчак, тухумсимон чўзиқ шаклда. Ҳажми 2—2,2×0,6—0,9 м, чуқурлиги 0,4—0,6 м га тенг. Марҳумлар чалқамчасига боши шимоли-шарққа қаратиб кўмилган. Эркак скелетлари кўпчилигининг бел қисмida бир томони тешилган тош қайроқлар, қабрлардан бирида калла суяги ичидан жездан ясалган уч парракли, найчасимон зуғатали камон ўқининг пайкони, иккинчи қабрдан эса лаби юпқа, туви текис жарангдор банкасимон идишгина қайд этилди, холос. Озлигидан қатъи назар, бу ашёлар Конимех туманида топиб ўрганилган қадим қишлоқлар санасини белгилаб берди.

1985, 1990 йилларда Варахша атрофида, айниқса унинг гарбий томонида, Бобкент дарёning кўхна адодифида, жойлашган Боштепа теварагида, хусусан Ўртатепа, Чектепа ва Кўшқиртепалар яқинида қайд этилган милоддан аввалги VI—IV асрларга мансуб бир нечта қишлоқ ҳаробаларини ўрганиш эндигина бошланди. Шунга қарамай, ҳудудда бундай ёдгорликларнинг мавжудлиги, шубҳасиз Бухоро воҳасида илк шаҳар маданиятининг шаклланиб, ривожланишида улар муҳим роль ўйнаганидан далолат беради. Шунинг учун ҳам Наршахий Бухоро воҳасида қад кўтарган энг қадимги қишлоқлар ҳақида ҳикоя қилганида Варахша «катта қишлоқлар жумласидан бўлиб... у Бухоро шаҳридан қадимирироқдир»<sup>18</sup> деган жумлани асоссиз ёзмаган бўлса керак. Дарҳақиқат, Наршахийнинг бу маълумоти ҳақиқатга анча яқин бўлиб, уни 1975—1977 йилларда Варахша шаҳар ҳаробасининг остиқ қатламларида қайд этилган милодгача бўлган V—IV асрларга онд археологик топилмалар маълум даражада тасдиқлайди.

Шундай қилиб, Бухоро воҳасида, хусусан унинг шимолий ва шимоли-гарбий қисмларида илк шаҳар типидаги урбанизациялашган қишлоқлар милодгача бўлган VI—V асрлардаёқ қад кўтара бошлаган. Улар замонбоболик қадимги хонаки чорвадор деҳқонларнинг яrim ертўла ҳамда енгил чўпкори чайлаларидан тубдан фарқ қиласидан йирик хом ғишт ва пахсадан бино қилинган, атрофи девор билан ўралган, ҳунармандчилик анчамунча ривож топган истеҳкомли қишлоқлар эди. Улар, шубҳасиз воҳада шаҳар маданияти юксалиб, шаҳарларнинг қад кўтаришида асосий пойdevор бўлиб хизмат қилди.

<sup>18</sup> Ўша асар. 24-бет.

## БУХОРО ЕШИ АФРОСИЕБ ТЕНГДОШИ

Шаҳарсозлик ва шаҳар маданиятининг шаклланиш масалалари жамиятнинг ижтимоий-иқтисодий ва маданий тараққиётида ҳамиша энг долзарб муаммолардан бўлиб, унинг тарихини тадқиқ қилиш эса фанда энг муҳим мавзулардан ҳисобланади. Шунинг учун ҳам археология фанида ҳам бу мавзуга доимо алоҳида эътибор бериб келинди.

Ўзбекистон ҳудуди бўйлаб шаҳарларниң пайдо бўлиши ва шаҳар маданиятининг ривожланиши тарихини ўрганилиши муносабати билан 60-йилларда ёқ Я. Фуломов раҳбарлигига махсус археологик экспедиция ташкил этилди. Археологлар аввал Фарғона водийсига қад кўтарган қадимий шаҳарлардан Қува ва Ахсикат, Самарқандда эса Афросиёб, Қаршида Еркўрои, Термиз шаҳар харобаларида қазишлар бошлаб юбордилар. 1970 йилнинг кузидаги Афросиёбда топилиб, тадқиқ этилган дастлабки археологик материаллар асосида Турон — Туркистондаги энг кўҳна шаҳарлардан бири Самарқанднинг 2500 йиллик тўйи ишонланди. Бу воқеа эса, шубҳасиз Тошкент, Бухоро, Сурхондарё ва Фарғона вилоятларнда археологик тадқиқотларнинг кенгайишига бирмунича туртки бўлди. Шу туфайли 1970—1974 йилларда ёқ Яхё Фуломов раҳбарлигига, 1977—1980 йилларда эса ушбу сатрларнинг муаллифи бошлиқ Бухоро шаҳрининг эски шаҳар қисмида кеңг кўламда мунтазам археологик қазишлари олиб борилди. Айниқса Бухоронинг кўҳна Арки ва Шаҳристони, хусусан Тоқи Заргарон, Мир Араб, Минора Қалон яқинида Саройи Қоғзи Қалон, Ҳовзузи Қози Қалон маҳаллаларида ўтказилган археологик қазишлар айниқса кўзда тутилган натижаларни берди.

Маълумки, кўҳна Бухоро — ўлкамизнинг тарихий обидаларга бой шаҳарларидан бири сифатида машҳур. Мана Тоқи Заргарон, Тими Абдуллахон, Зиндон ва Мирараб мадрасаси каби ўрта аср меъморий обидалари жойлашган қадимий Шаҳристон ҳамда Аркнинг ялангликдан иборат шарқий қисмида муттасил олиб борилган кўп йиллик археологик қазишма ишлари ҳам ниҳоясига етди.

Қазишмалар олиб борилган майдонларда юқори — аралаш қатламлар замонавий техника ёрдамида, остиклиари эса фақат белкурак ва кетмонлар воситасига (20 метр чуқурлиқда) бир нечта хандақлар қазилган. Бу хандақларда босими етти метргача кўтарилилган ер

ости сизот сувлари насослар ёрдамида чиқарилиб, деярли ҳамма қазиш участкаларида биз Бухоронинг ботқоқлик устида ҳосил бўлган қадимги рўйи замингача ковлаб очишга мусассар бўлдик. Унинг бу она тупроғи устида асрлар давомида ниҳоятда қалин маданий қатлам вужудга келган экан. Унинг қалинлиги баъзи жойларда 20 метргача борар эди. Бухоронинг узоқ ўтмиш изларини ўз бағрида сақлаб келаётган бу қатлам, шубҳасиз, ўзига хос бир антиқа хазина бўлиб, унда қайд этилган хилма-хил археологик топилмалар шаҳар ҳаётининг турлӣ тарихий даврларига мансуб ашёвий далиллар эди.

Мана Мирааб мадрасаси ва Тоқи Заргарон ёдгорлиги оралиғида майдони қарниб 2,5 минг квадрат метрли қазилган ҳандақ. Унинг чуқурлиги 17,5 метр. Археологларимизнинг белкураги билан тик ва ниҳоятда текис ковлаб тушилган ҳандақ деворлари худди қат-қат қилиб пиширилган улкан ва ниҳоятта қалин «қатлама»ни эслатади. Девор бўйлаб турли сатҳда ўралар, атрофи пишиқ фишт билан ишлаб чиқилган чуқур қудуқлар, турли томонга йўналган пишиқ фиштли равоқсимон тазарлар (канализация иншоотлари), пахса ва йирик хом фиштлардан уриб чиқилган ниҳоятда қалин шаҳар деворларининг вайронага айланган қолдиқлари, кучли ёнғин излари ва ҳоказолар кўзга яқол ташланиб турди. Булар, шубҳасиз, асрлар давомида шаҳарининг қайнаган жўшқин ҳаёти қолдирган излар бўлиб, Бухоронинг неча бор вайрон этилиб, неча бор қайта тикланганидан далолат берувчи тилсиз гувоҳлардир.

Қазишманинг энг остки қатламларидан археологлар учун фавқулодда қизиқарли ва қимматли маълумотларни аниқлаш имконини берувчи ашёвий далиллар топилди. Бухоро шаҳри ҳали қад кўттармасдан аввал — узоқ ўтмишда ҳосил бўлган бу табиий қатламлар ранги ва таркибига кўра бир-биридан мутлақо ажралиб турарди. Ҳандақнинг энг туб қисмида дарёнинг оқизинидиларидан ҳосил бўлган оч кулранг тусли қадимий рўйи замини, унинг устки қисмида эса чириндишлардан ҳосил бўлган қалинлиги 40—70 сантиметрча келадиган торф қатлами мавжуд. У тўқ жигарранг. Бу қатлам бамисоли қўтган ичидағи отар оёғи остида босилавериб қат-қат бўлиб кетган қўй қийини эслатади. У қадимги рўйи заминни худди қалқондек қоплаб ётарди. Торф қавати орасида таркибида ёввойи ва хонаки ҳайвонлар, парандалар суюклари, сопол идишларнинг бўлаклари учрайди. Бу қатлам щимолдан жанубга — Мирааб мад-

расасынга томон қалынлашиб, мадраста ҳовлisis остида унинг қалинлиги 7,5 метрға боради.

Бухоро шаҳри остида археологик қазишмалар натижасида қазиб очилган бу қатламлар шубҳасиз, бу ўлкада аҳоли эндигина келиб ўрнашиб, уни ўзлаштиришга киришилган қадим замонларда бўлажак шаҳарнинг ўрни ва теварак-атрофларининг табиий манзарасини намойиш қиласр эди. Шубҳасиз бу археологик манзара Муҳаммад Наршахийнинг «Бухоро тарихи» асаридага келтирилган таърифга жуда ҳамоҳанг бўлиб, уни тўла тасдиқлар эди. «Ҳозирда Бухоро ўрнашган бу мавзе, илтари ботқоқлик бўлиб,— деб таърифлаган эди Нишопурни, — унинг баъзи ерларини тўқайзор, дарахтзор ва кўкаламзор ташкил этган, айрим жойлари эса шундай бўлганки, бирон ҳайвон ҳам оёқ қўйишга жой топа олмаган. Бунинг сабаби шуки, Самарқанд томонидаги вилюятлар тоғларида қор эриб, суви оқиб келиб ўша жойларга йиғилиб ётар эди.

Самарқанд томонида бир катта дарё борки, уни «Руди Мосаф»—«Мосаф дарёси» деб атайдилар. Бу дарёга кўп сув йиғилган, у бир талай ерларни ювиб — ўпириб, кўп лойқаларни суриб келган ва натижада, бу ботқоқликлар тўлиб қолган. Сув кўп оқиб кела берди, лойқаларни то Битик ва Фаробгача суриб келтира берди. Сўнг сув тошиб келиши тўхтади, Бухоро ўрнашган жой (аста-секин) тўлиб текис ерга айланди ва, шундай қилиб, у катта дарё Суғд ва бу лойқалар билан тўлган мавзе Бухоро бўлиб қолди».<sup>19</sup>

Зарафшон водийсининг қуий қисмига жойлашган Бухоро воҳасининг пайдо бўлиши тўғрисида айтилган бу палеогеографик мулоҳаза илк ўрта асрларда ёқ дарё водийлари шаклланиши ва бу жараёнда сув манбаларининг табиий роли ҳақида етарли ва аниқ тушунчаларга эга бўлинганилигидан далолат беради. Қизиги шундаки, бундан қарийб минг йил аввал бу фикр нақадар тўғри эканлигини Бухорода олиб борилган гидрогоеологик ва археологик тадқиқотлар тасдиқлаб берди.

Археологик тадқиқотлар шуни кўрсатдики, узоқ ўтмишда Зарафшон дарёсининг қуий ўзанларидан бири, ҳали кўҳна Бухоро вужудга келмасдан аввал, ҳозирги вақтда қад кўтариб турган Улуғбек ва Абдулазизхон мадрасалари, Тоқи Заргарон, Мирараб мадрасаси, Минораи Қалон ва Масжиди Қалон каби меъморчилик обидалари бўй чўзган замин ўрнидан оқиб ўтган. Бу

<sup>19</sup> Ўша асар. 15-бет.

дарё ўзанининг кенглиги 100—120 метрга борган. Илк ўрта аср ёзма манбаларидаги «Зарируд» ёки «Рудизари Бухоро» номлари билан тилга олинганд. Қадим замонларда бу ўзанининг тошқин сувлари Пойканд шаҳригача етиб борган. Бу кўхна ўзанининг дарёвоти ва теварак-атрофини қоплаб ётган қалин бутазор ва тўқайларнинг асрий чириндилидан Бухоро шаҳри остида торф қатламлари ҳосил бўлган.

Айрим қазишма майдонларидаги қайд этилган кучли ёнғин қолдиқларига қараганда, Бухоро худудини илк бор ўзлаштиришга киришган қадимги «чўлқуварлар» бу кўхна дарёвот соҳилидаги келиб ўрнашган, тўқайларга ўт қўйиб ер очган бўлишса ҳам ажаб эмас. Наршахийнинг таърифлашича: «Ҳар томондан одамлар йиғилиб, у жой обод бўлди. Одамлар Туркистон томонидан келар эдилар. Бу вилоятда сув ва дараҳтлар, овқилинадиган жониворлар кўп бўлганидан кишиларга бу вилоят хуш келиб, шу ерга жойлаштилар».<sup>20</sup>

Археологик тадқиқотлар шуни аниқлаб бердик, Бухоро шаҳри даставвал қадимги Зарируд ўзанининг икки соҳилида алоҳида-алоҳида жойлашган учта мустақил қишлоқ шаклида қад кўтарган. Улардан бири дарёнинг ўнг соҳилида ҳозирги Аркнинг ўрнида бўлиб, қолган иккитаси Масжиди Калон, Минораи Калон, Мирараб мадрасаси ва Тими Абдуллахон архитектура ёдгорликлари йўналишида илк ўрта асрлардаги Бухоро шаҳристони ўрнида, дарё ўзанининг икки бетида бирбирига қарама-қарши жойлашган экан.

Бухоро, хусусан унинг мустабид ҳукмдорлари қароргоҳининг қад кўтариш тарихини ўрганишда Аркда олиб борилган қазишларнинг натижалари ниҳоятда самарали бўлди. Энг муҳими, Аркни ўрганиш тарихида биринчи маротаба унинг қадимги қўйи заминигача ковлаб тушилди. Шаҳарнинг бу қадимги қисми остида ҳосил бўлган маданий қатламнинг умумий қалинлиги 20 метрдан ошиқроқ бўлиб, унинг остки қатламидан қазиб олинганд археологик топилмаларнинг энг кўхнаси милоддан аввалги IV аср охири ва III аср бошларига мансуб эди. Моддий маданият излари орасида 15,5 ҳамда 18,5 метр чуқурликда қазиб очилган қадимги икки мудофаа деворлари қолдиқларининг тепилиши шаҳар тарихини ўрганишда айниқса муҳим аҳамиятга эга бўлди. Биринчи мудофаа девори 2,5—3 метр, иккинчиси 2—2,5 метр баландликда сақланган. Юқори қатламда топилган девор

<sup>20</sup> Ўша асар. 15—16-бетлар.

милоднинг III—IV асрларида, қуйи қатламдан топилгани эса, милодгача бўлган IV—III асрларда пахсадан барпо этилган. Бу майдонда маданий қатлам ҳосил бўлган қадимий рўйи заминнинг сатҳига қараганда, Бухоро Арки остида қад кўтарган дастлабки қишлоқ Зариуд ўзанининг ўнг соҳилида жойлашган табиий дўнглилк устида пайдо бўлган экан. Теварак-атрофнинг умумий рельефидан бу дўнглик 8—10 метр баланд бўлган. Майдони 1,5—2 гектардан ошмаган.

Археологик қазишлар натижасида очилган тарихий манзара шуни кўрсатадики, Бухоронинг қадимги марказий қисми Аркдан шарқроқда, дарё лабида, рельефи жиҳатдан Аркка нисбатан анча-мунча пастроқ ерда жойлашган, майдони 12—13 гектарга тенг бўлган. Мирааб мадрасасининг яқинида олиб борилган қазишмалар чоғида 4,5 метр чуқурликда шаҳарнинг қадимги мудофаа девори қолдиқлари қайд этилди. Пахса ҳамда йирик ҳажмдаги ҳом фиштлардан уриб чиқилган бу қалъа девори 5—6 метр баландликда сақланган. Девор пойдевори остида қолиб кетган маданий қатлам ва унда қайд этилган археологик топилмалардан маълум бўлишича, бу қадимги мудофаа ишооти милоднинг V—VI асрларида қад кўтарган. Асрлар давомида у бир неча бор таъмир этилган ҳамда қайта-қайта тикланган. Шу боисдан асрлар оша у қалинилашиб, илк ўрта асрларда унинг умумий кенглиги 17 метрга етган. Бухоронинг бу қадимги девори ташқарисидан дарё соҳили бўйлаб кенг ўйлутган. Минораи Калон ва Мирааб мадрасаси оралигидаги майдон рўпарасида шаҳарнинг жанубий дарвозаси жойлашган. Илк ўрта асрларда у «Мадина дарвозаси» номи билан юритилган. Археологик қазишлар вақтида Мадина дарвозасининг ўрни ва минораси—буржининг қолдиқлари топилди. Бу дарвоза ташқарисидан ўтган катта кўча бўйлаб кейинги асрларда Минораи Калон, Масжиди Калон, Улуғбек, Мирааб ва Абдулазизхон мадрасалари ҳамда Тоқи Заргарон каби меъморий обидалар қад кўтарган.

Бухоро шаҳрининг барпо негизи бўлган учинчи қишлоқ Зариуд ўзанининг сўл қирғоғида жойлашган бўлиб, у ҳам алоҳида мудофаа девори билан ўраб олинган. Майдони 6—7 гектар белган. Бу ҳудуд Минораи Калон ёдгорлигидан жанубда жойлашган дўнгликдан иборат бўлиб, унда сўнгги ўрта асрларда Бухоро қозиқалонининг саройи ва маҳкамаси жойлашган эди. Қизиги шундаки, бу участкада ковлаб очилган 18 метрли маданий қатламишинг 9 метри милоддан аввалги

IV—I ҳамда милоднинг I—IV асрларида ҳосил бўлган. Мазкур қатламда қайд этилган турли ашёвий топилмалар юқори сифатли шаҳар ҳунармандчилиги маҳсулотининг қолдиқлари бўлиб, улар бу ҳудудда қадимдан шаҳарнинг гавжум ҳунармандчилик маҳаллалари жойлашганидан далолат берар эди. Шу муносабат билан бу ўринда юқорида тасвиirlанган қалин маданий қатламда қайд этилган кичик бир топилмани таъкидлаб ўтиш ўринлидир. Чунки бу топилма биз тадқиқ этаётган масалани ечишда, маълум даражада ойдинлик киритиши мумкин. Минори Калон яқинидаги қазишманинг остки қалин маданий қатламиининг энг тубидаги қатларидан олинган сопол бўлаклари комплекси орасида бошқаларидан тубдан фарқ қиласидаги икки дона сопол бўлакчалари айниқса диққатга сазовор эди. Уларнинг иккиси ҳам оч сарғиши рангда бўлиб, кулолчилик чархида ясалган юқори сифатли сопол идишнинг жуда кичк парчалари эди. Бу топилмалар ясаш услуби, сифати ва ранги жиҳатидан Қадимги Самарқанд—Афросиёбдан топилган ва фанда «Афросиёб I» номи билан қабул қилинган милоддан аввалги VI—V асрларга мансуб сопол буюмларга ўхшаб кетар эди. Афсуски бу икки бўлак сопол парчаларидан қандай шаклдаги идишнинг бўлакчалари эканий аниқлаш мушкул эди. Шунга қарамай, милоддан аввалги IV—III асрларга мансуб сопол идиш бўлаклари орасида арханг даврга мансуб сопол бўлакчаларининг қайд этилиши, шубҳасиз Бухоро шаҳрининг қаериладир милоддан аввалги VI—V асрлар маданий қатламларининг мавжудлигидан дарак берар эди. Бу икки топилма назарда тутилиб, уларнинг Бухоро воҳасида, хусусан Конимех яқинида милоддан аввалги VI—V асрларга мансуб қатор ёдгорликлар: Қумработ, Арабон-1, Арабон-2, Чордара, Шодибек ва Қалқонота, шунингдек, Варахшанинг ғарбида Боштепа атрофидаги шу даврга оид тураржойлар ва хилма-хил моддий маданият қолдиқлари билан таққосланилса, юқорида айтилган фикрни шубҳадан холи этади. Чунки Бухоро шаҳрининг қад кўтариши тасодифий воқеа бўлмай, балки Қўйи Зарафшон водийсида яшаган қадимги аҳолининг ижтимоий ва иқтисолий ҳаётида содир бўлган умум урбанизация жараёни билан чамбарчаст боғлиқ бўлган. Бухоро воҳаси аҳолисининг тадрижий тараққиёти тарихида юз берган бу умум жараён назарда тутилиб, уни асос қилиб олинса Бухоронинг ёши, шубҳасиз, Афросиёбу Сиёвуш, Зулқарнайну Спитаменларга тенгдош бўлади.

## БУХОРОНИНГ ҚАДИМГИ НОМЛАРИ

Кўҳна Бухоро ҳақида сўз юритилар экан, унинг қадимги номлари, хусусан, «Бухоро» номининг келиб чиқиши, айниқса унинг этиологияси борасида ҳам баъзи бир маълумотларни келтириб, уларни таҳлил қилиш мақсадга мувофиқдир. Бухоронинг дастлабки номларининг аксарияти бу ажойиб ўлканинг ё табнатига, ё иншоотига, ёки аҳолисининг ўтмиш эътиқодига монандидир. Чунки топонимлардан бирининг маъноси негизида шаҳар қад кўтарган даврда Зарафшон ерлари табнатининг қадимий сифатлари яширинган бўлиб, Наршахийнинг бу вилоят тўғрисидаги тафсилотларига ҳамоҳанг бўлса, бошқасида ўлканинг ўзлаштирилиб, обод этилишидаги тарихий манзаралари маълум даражада ўз ифодасини топган. Шунинг учун ҳам Бухоро шаҳрининг қадимги номлари этиологиясини таҳлил қилиб, унда яширинган маънони аниқлаш ўлка ўхмишининг ҳам табиий, ҳам тарихий манзарасини тиклашда тадқиқотчиларга маълум даражада кўмаклашади.

Бухоро шаҳри, у қад кўтарган ўлка ва унинг қадимий ҳукмдорлари тўғрисидаги, қисқача бўлсада, бирмунча аниқроқ маълумотлар илк ўрта аср Хитой манбаларида келтирилди. Уларда Бухоронинг ўндан ортиқ атамалари: Ан, Аиси, Анго, Нюоми, Бухо, Бухэ, Бухаэр, Бухуаер, Бухала, Фухо, Пухала ва бошқалар тилга олинади. Бу атамалардан бир нечтаси, шубҳасиз, Бухоронинг хитойча номлари бўлса, қолганлари ушбу номнинг хитойча турли хил талаффуз этилишидан келиб чиқсан сўзлардир. Қизифи шундаки, бу атамалар остида, одатда ҳам ҳокимият ёки ўлка ҳамда шу ҳокимиятнинг пойтахти ҳисобланган марказий шаҳри тасвирланади. Масалан, Ан ёки Бухо ҳокимияти илк ўрта асрларда Нюоми номи билан машҳур бўлиб, унинг пойтахта ҳам шу ном билан юритилган. Нюомидан 100 ли (50 км) шимоли-шарқда Шарқий Ан ва шунча масофадан жануби-гарбда эса Би (Пойканд) шаҳри жойлашган. Ҳукмдорларнинг қароргоҳи Аламми (Ромитан) шаҳрида бўлган. Бу давлатнинг гарбий чегараси Уху (Амударё) дарё соҳилларига бориб тақалганд. Вилоятда 40 йирик шаҳар ва мингдан ортиқ майдада истеҳкомлар бўлиб, бақувват ва довюрак йигитларгина чокар (аскар)-ликка ёллаб олинган.

Нюоми давлатининг пойтахти Сиван Цзин (Самарканд)дан ғарбда, Нами (Зарафшон) дарёсининг жанубида жойлашган. Шаҳар беш қатор девор ва оқар сувли

хандақлар билан ўралган. Сарой иморатларининг томлари эса текис қилиб ёпилган.<sup>21</sup>

Демак, Хитой манбаларида келтирилган маълумотларга қараганда, милодий V—VII асрларда Зарафшон дарёси Нами деб юритилиб, унинг қўйи қисмига жойлашган давлат эса Нюми деб аталган. Бу ҳокимиятнинг пойтахти ҳам Нюми номи билан юритилиб, у алоҳида алоҳида махсус мудофаа деворлари билан ўралган бешта истеҳкомли қалъалардан иборат бўлган. Шаҳар яқинидан оқиб ўтган сув йўллари хандақ вазифасини ўтаган. Илк ўрта асрлардаги Бухоро шаҳрининг бундай тарихий топографияси тафсилоти, юқорида кузатилганидек, археологик тадқиқотларда ҳам маълум даражада ўз тасдиқини топди.

Бухоронинг эски шаҳар қисмидаги алоҳида алоҳида жойлашган истеҳкомли икки шаҳристон ва кўҳандиздан иборат илк ўрта асрнинг учта қалъа харобаларининг қазиб очилиши бунинг ёрқин далилидир.

Ўрта аср арабнавис муаллифлари асарларида Бухоронинг бу машҳур номидан ташқари унинг Нувижкат, Бумискат, Мадинат ус-суфрия, Мадинат ут-тужкор, Фохира каби қатор атамалари келтирилади. Муҳаммад Наршахийнинг ёзишича, ўша вақтларда Хурросон шаҳарларидан биронтаси ҳам бунчалик кўп номга эга бўлмаган.

Ўрта аср манбаларида келтирилган тафсилотларга қарганда, Бухоро ва Нувижкат аввалда бирин иккинчи сига яқин жойлашган икки алоҳида шаҳарлар бўлган. VIII асрда Муқанна қўзғолони даврида ҳам бу икки шаҳарнинг мустақиллиги таъкидланиб, ҳатто 775 йилда қўзғолончи оқ кийимликларнинг Нувижкатга бостириб кириб, уни ишғол этгани ҳақида ҳикоя қилинади. Сўнг, вақт ўтиши билан Бухоро ва Нувижкат майдонлари кенгайиб, улар бир-бирига қўшилиб кетган. Номларидан бирин шуҳрат топиб, иккинчиси эса тарихдагина сақланиб қолган.

Хўш, Бухоро шаҳрининг бу қадимий номлари қандай маъниоларин англатади? Бухоро номлари этимологияси устида сўз юритилар экан, аввало шуни таъкидлаш керакки, арабнавис муаллифлар келтирилган номлар ўз маъноси жиҳатидан шаҳарни бино қилган туб аҳоли ҳамда четдан келган ажнабийлар томонидан берилган икки турдаги номлардир. Жумладан, Бухоронинг «Мадинат

<sup>21</sup> Малявип А. Г. Марказий Осиё давлатлари ҳақида Таџ солномалари. М., 1989. 77—78-бетлар.

ус-суфрия», «Мадинат ут-тужжор» ва «Фохира» каби атамалари араблар томонидан берилган номлардан бўлиб, улардан биринчиси «Мисшаҳар» иккинчиси «Савдогарлар шаҳри» ва учинчиси эса «Фаҳрли шаҳар» деган маъноларни англатади.

Бухоро шаҳри қалъа деворлари мудофаа жиҳатидан ниҳоятда мустаҳкам қилиб қурилгани туфайли, у «Мисдан қўйилган қўргон» ёки «Мисдан ясалган истеҳком»га рамзий қиёс қилиб, унга «Мис шаҳар» маъносини англатувчи «Мадинат ус-суфрия» атамаси берилган. Шунингдек, Бухоронинг Яқин ва Ўрта Шарқ мамлакатларини Хитой ва Ҳиндистон билан боғлаган машҳур «Буюк Ипак йўли» устида жойлашгани, аҳолисининг мулкдор табақасининг каттагина қисми кашкашон — савдогарлардан бўлиб, бу карvon йўли орқали халқаро савдода актив қатнашгани сабабли шаҳар «Мадинат ут-тужжор», яъни «Савдогарлар шаҳри» деган сифатлари билан ҳам шуҳрат топган. Фохира атамаси ҳам, Муҳаммад Наршахийнинг тафсилоти бўйича, унга ислом динининг барқарорлиги йўлидаги шаҳидлар шарофатига нисбат қилиб берилган атамадир. Маҳшаргоҳда Бухоро шаҳрида 70 минг байроқ ва ҳар бир байроқнинг остида етмиш минг шаҳид бош кўтарар экан.<sup>22</sup>

Нумижкат, Бумискат ва Бухоро шаҳарга берилган маҳаллий атамалардан ҳисобланади. Бу номларнинг биринчиси, аслида Навмичкат бўлиб, у учта форс-тожикча «Нав» — янги, сүғдийча «мич» — қалъа, истеҳком ва «кат» — қишлоқ каби сўзлар бирикмасидан ташкил топган у «Янги қалъа», «Янги қўргон» ва «Янги истеҳкомли қишлоқ» маъноларини англатган. Хитой манбаларида келтирилган «Нюми» атамаси эса, Навмич сўзидан олинниб, унинг хитойча талаффузидан келиб чиқкан. Бу атама ҳам «Янги қалъа» маъносини англатади.

Навмичкат атамасида «Янги» маъносини англатувчи «Нав» сўзининг қўшилиб ёзилишига қараганда «Нумижкат ва Бумискат» шаҳар қалъаси қайта қурилгандан сўнг унга янгитдан берилган сўнгги номлардан эканидан далолат беради. У вақтда шаҳар қалъасининг кўҳна номлари ҳам бўлиши керак. Бухоро урбанимларидан маълум бўлишича, шаҳар кўҳна қалъаларидан бирининг номи «Фаровис» деб юритилган. Бу атама Бухоро бўзчи ва косибларининг пири Бобойи Порадўз мақбаси ҳамда Шаҳруд каналининг шоҳобчаларидан бири

<sup>22</sup>. Наршахий. Бухоро тарихи. 27—28-бетлар.

«Фаровис ус-Суфло» номлари орқали бизгача етиб келган. Аслида кўхна қалъанинг номи «Фаробдиз» бўлиб, у сўғдийча «Фароб» — сув бўйи ва «диз» — қалья сўзлари бирикмасидан ҳосил бўлиб, «Сув бўйидаги ёки дарё бўйидаги қалъа маъносини англатади.

Муҳаммад Наршахий шаҳарнинг турли хил атамаларини тилга олар экан, «Бухоро деган ном у номларнинг ҳаммасидан ҳам машҳурроқдир» деб ёзди. Чунки бу ном билан ҳам ўлка, ҳамда унда қад кўтарган шаҳар шуҳрат топган.

Бухоро этимиологиясини академик В. В. Бартольдсанскритча «вихара» — «ибодатхона» сўзи билан боғлайди. Фикримизча у сўғдийча бўлиб, «Буғ-оро», яъни «тангри жамоли» деган маънони англатади. Бундай талқин, шубҳасиз, Наршахийнинг Бухоро воҳасининг қадимги табиати тўғрисидаги тафлиситига ҳамоҳанг бўлиб, археологик қазишмалар вақтида очилган осоринатиқа ларда ҳам ўз аксини топди.

Демак, Бухоро шаҳри қадимда Зарафшоннинг қўйи тармоғи Зарируд бўйида учта қалъа шаклида пайдо бўлган.

Бу қалъалардан энг қадимгиси Фаробдиз, иккинчиси Бухоро ва учинчиси Навмичкат номлари билан юртилган. Кейинчалик бу уч қалъа бир-бири билан қўшилиб кетган.

Аҳолининг сони кўпайган сари шаҳар ҳам кенгайиб борган. Шаҳарнинг кейинчалик обод бўлган қисми ҳавфисизлигини таъминлаш мақсадида IX асрда Бухоро қадимги учта қисмини ҳам ўз ичига олган ягона ташқи девор халқаси билан ўраб олинган. Асрлар ўтиши билан шаҳар майдони янада кенгайган. Ўнинг атрофида, шаҳар девори ташқарисида, янги маҳалла ва гузарлар қад кўтарган. XV—XVI асрларда эса яна янги жойларни ўраб ўтган учинчи ташқи девор халқаси бино қилинган. Бу даврда шаҳарга 11 дарвозадан кирилган. Бу дарвозаларнинг бири орқали Самарқандга, иккинчиси — Хоразмга, учинчиси — Хурросон ва Эронга, тўртинчиси — Қарши ва Термизга томон йўл кетган бўлса, қолганлари Бухорони атрофдаги қишлоқ ва туманлар билан боғлаган. Шаҳар ичиди ниҳоятда зич қурилган уй-жой ва турли хил иморатлар, сон-саноқсиз тор-танқис кўчалар жойлашган. Шаҳар 12 маҳалла, 220 гузарга бўлинган. Ҳар бир маҳалланинг оқсоқоли, гузарда эса унинг пойкори — элликбошиси бўлган. Ҳар бир маҳалланинг алоҳида мозори бўлгани каби ҳар бир гузарнинг ҳам алоҳида мачити бўлган. Шаҳар 100 дан ортиқ ҳовузлар

орқали сув билан таъминланган. Ҳовузлар шаҳарнйиг магистраль канали — Шаҳруд ва унинг шахобчалари ҳамда кўплаб ер ости сув ишоотлари — тазарлар орқали ойда бир ёки икки марта сувга тўлғизилган. Махсус сувчи — мешқоблар хонадонлар, айниқса ёрдаги аъёниларниң эҳтиёжи учун кун бўйи мешларда сув ташигандар. Ёз ойларида кўпинича Шаҳрудда сув бўлмай ҳовузлардаги сув янгиланмаслиги натижасида кўкариб, айниб кетган. Бундай вақтларда ҳовузлар турли-туман ички касалликлар (безгак, ришта, ва ҳ.к.) манбаига айланган. Шаҳарда 20га яқин ҳаммом ва бир қанча усти ёпилган раста, тоқу тимлар қишин-ёзин ишлаб турган. Турли даврларда қурилган 200га яқин мадрасаларда минглаб талабалар илм олган.

Ўз тарихи жараёнида Бухоро Марказий Осиёда қад кўтарган кўпгина шаҳарлар сингари бир неча бор ташқи душман хужумига бардош берган. Истилочилар асоратига тушиб, қонли жанглар майдонига айланган. Имировозга юз тутиб, вайрон бўлган, бироқ ўз жойидан бир қарич ҳам силжимай қайта-қайта тикланиб, обод бўла-верган.

## ХОТИМА

Асримизнинг 50—80-йилларида Бухоро вилоятида ҳамда унинг маркази Бухоро шаҳрида муттасил олиб борилган археологик тадқиқотлар туфайли Зарафшон во-дийсининг ҳадоғига жойлашган гаройиботларга бой бу кўхна масканнинг қад кўтарган ўрни ва унинг узоқ ўтмишдаги палеобэкологик шарт-шаротилари ҳамда бу диёрда истиқомат қилган қадимги аҳолининг ижтимо-ий-иқтисодий ва маданий ҳаётида содир бўлган тадри-жий ўзгаришларнинг умумтарихий манзараси намоён бўлди.

Кўп йиллик археологик қазишлар натижасидан аниқланишича, Бухоро шаҳри ёзма манбаларда Рудизар ёки Зарируд номи билан тилга олинган Зарафшоннинг қуий ирмоғининг икки соҳилида бир-бирига қарама-қарши жойлашган учта алоҳида-алоҳида қишлоқлар асосида барпо бўлган. Ўрта аср ёзма манбаларидан маълум бўлишича, улардан бири Бухоро ёки Фохира, иккинчиси Навмичкат ва Бумискат, учинчиси эса Фаровиз ёки Фаробдиз номлари билан юритилган.

Бухоронинг кўхна шаҳар қисмининг етти жойида кенг кўламда археологик қазишлар амалга оширилди. Деярли ҳамма қазилган майдонларда Бухоронинг қадимги дарёвот ичида ботқоқлик устида ҳосил бўлган илк рўйизамиинигача ковлаб очишга муяссар бўлindi. Бухоро шаҳри ҳали қад кўтармасдан аввал ҳосил бўлган бу гўша қатламлари ранги ва таркиби жиҳатидан бир-биридан кескин ажралиб туради. Улар аҳоли томонидан ҳали ўзлаштирилмаган узоқ ўтмишда бўлажак шаҳарнинг ўрни ва атрофларининг табиий манзарасини намойиш қиласар эди. Бу табиий манзара Абул Хасан Нишопурининг «Бухоро ўрнашган мавзе илгари ботқоқлик бўлиб, унинг баъзи ерларини тўқайзор, дараҳтзор ва кўкаламзорлар ташкил этган», — деб тасвирилаган табиат манзарасини эслатар эди.

Бухоронинг бу қадимий мұқаддас оңа тупроғи устінда асрлар давомида нысандарда қалып маданий қатlam вүжудга келгән. Шаҳарнинг бу қадимги қисмінде ҳосил бўлган маданий қатламнинг қалинлиги 20 метрдан ошиқроқ бўлиб, унинг ости қатламларидан ковлаб олинган археологик топилмаларнинг энг кўхнаси милодгача бўлган биринчи минг йилликнинг ўрталари билан санааланарди. Моддий маданият қолдиқлари орасида 15,5 м ҳамда 18,5 м чуқурликда ковлаб очилган қадимги шаҳар деворлари қолдиқларининг топилиши Бухоро тарихини ўрганишда, айниқса унинг ёшини белгилашда қимматли ашёвий даил сифатида хизмат қилди. Чунки бу қалып маданий қатлам остида қайд этилган бу иодир археологик топилмалар Бухоро қадимданоқ мудофаа деворлари билан ўралган ҳақиқий шаҳар шаклидаги гавжум ҳунармандчиллик маскани эканини исботловчи асосий белгилардан эди.

Бухоро шаҳрининг барпо бўлиши шак-шубҳасиз ҳеч қачон биқиқ ҳолда содир бўлмаган. Аксинча, у Зарафшон водийсининг ўзлаштирилиб обод этилиши ҳамда воҳа бўйлаб урбанизациялашган дәхқончилик қишлоқлари ва истеҳкомсиз тураржойларнинг кейинроқ эса, кўплаб қасрларнинг қад кўтариб, воҳа бўйлаб уларнинг жадал кенгайиб бориши билан узвий боғлиқ эди. Бундай турдаги моддий маданият обидалари Бухоро воҳасининг шимолий ва шимоли-ғарбий ҳудудларіда, хусусан Конимех яқинидан ҳамда Вобкент дарёning сувсизликдан қуриб қолган қадимги адогидан топиб, ўрганилди. Конимех ва Қалқонота атрофида қайд этилган милоддан аввалги VI—V асрларга оид истеҳкомли қишлоқлар ва мозор қўргонлар, шунингдек Вараҳшадан ғарбда Боштепа яқинидаги топилиб, тадқиқ этилган ва умумий майдони ярим гектаргача бўлган милоддан аввалги VI—Vасрларга мансуб тураржойлар ҳамда милоддан аввалги IV—II асрларда йирик хом гишт ва пахсадан бино қилинган ўндан ортиқ диз (қалъача), қўргонча ва қасрлар (Боштепа, Яkkatal, Оёқтепа 1—2, Ўртатепа, Кўшқир 1—2, Чектепа ва Чўққитепа 1—2 в.б.)нинг тепа шаклидаги ҳаробалари ва қолдиқлари шулар жумласидандир. Археологик маълумотларга қараганда Зарафшон водийсининг қуий оқимиға жойлашган, теварак атрофи дашт ва биёбонлар билан ўралган. Бухоронинг қадимги бутазор, тўқайзор ва нысандарда серсув ерларини ўзлаштирилиши шубҳасиз, бу диёрда дәхқончилик ва чорвачиллик хўжаликларининг кенгайиб бориши билан узвий боғлиқ бўлган. Милодгача бўл-

ған V аср охири ва IV асрларда, айниқса миңнегіндең аввалғы III ва II асрларда әса бу жараён кескін жадаллашған. Фикримизча бунга ўша замонларда, аввал ахманийлар, сүнгра әса македониялық юнонларнинг қадимги Туронзаминға бостириб кириши ва тазицининг кучайиши оқибатида Сүғд ерларида ҳам содир бўлган мушкул сиёсий вазият сүфдийларнинг ҳаётига айтидан кучли таъсир кўрсатган. Маълумки, Искандар Зулқарнайн милоддан аввалги 329—327 йилларда Спитамен бошлиқ Суғд ҳамда шак-массагет қабилаларнинг кучли қаршилигига учраб, гарчи анчагина талофат кўрган бўлсада, аммо унинг жазо отрядлари Зарапшон водийсида шафқатсиз қирғинлар келтирган. Спитамени қўлга тушириш мақсадида Искандарнинг биргина Қуйи Зарапшон томон қилган юришида сўғдийларнинг кўплаб қалъаларига ўт қўйилиб, 120 мингдан ортиқроқ аҳоли қириб ташланған. Фикримизча, бу воқеадан сўнг шак-шубҳасиз, Самарқанд, Арбинжон (Қаттақўрғон яқинида), Дабусия, Кармона ва Харкона (Қалқонота) атрофларида яшаган сўғдийларнинг Зулқарнайн қўшини қирғинидан омон қолган тўдалари, айтидан жон сақлаш мақсадида Қуйи Зарапшон, яъни ҳозирги Бухоро воҳаси томон кўчиб, бу янги ўлкани жадал ўзлаштиришга киришган. Натижада бутун воҳа бўйлаб сонсаноқсиз дәҳқончилик қишлоқлари, қалъя ва қасрлар қад кўтарған. Бухоро шаҳри әса эндигина шаклланаётган дәҳқончилик воҳасининг марказига айланған. Шунинг учун ҳам Бухоро воҳасининг ўша даврдаги археологик манзарасини бадиий тарзда тасвиrlаганда, у худди очилаётган қўриқдаги гавжум ҳаётни эслатған. Бу тарихий манзара, юқорида қайд этилган қатор моддий маданият обидаларида топилған турли хилдаги ашёлардан ташқари, Бухоро шаҳри яқинидаги Тахтматепа ва Талимурдапартов ёдгорликларидан топилиб ўрганилған милоддан аввалги IV—II асрларга мансуб (Юон-Бақтар подшоҳи Евтидемнинг) кумуш тангалар ҳамда уларга тақлидан суқилған ва олд томонига тождор ҳукмдор, орқа томонига әса оташкада тасвири туширилған кумуш тангаларда маълум даражада ўз ифодасини топган эди. Ҳатто қадимги Бухоро тождорлари милоддан аввалги иккинчи асрданоқ ўз кумуш тангалаrinи зарб қилдира бошлаган эдилар. Илк Ўрта асрлар әса Бухорода бухорхудот — олий ҳукмдорлик даражасида Бидун (673 йилгача), Хутоқ Хотун (673—692), Туғшода (692—768), Суқон (768—775), Бунёт (775—782) каби маҳаллий ҳукмдорлар мамлакатни идора этган-

лар. Бухорхудотлар бу даврларда олд бетига икки ўркачли түя ва терсига оташкада тасвиrlанган ҳамда гардишига «Бухор молик» деган сўзлар битилган мис тангалар зарб этиб, ички савдо муомаласини нақдина билан таъмин этганлар.

Бухоро шаҳрининг ёшини аниқлаш жараёнида Мұхаммад Наршахийнинг «Бухоро тарихи» номли китобида «Бухородан қадимийроқ» деб тилга олинган Вардана, Варахша, Пойқанд, Ромуш ва Ромитан каби қадимги шаҳар харобаларида ҳам археологик қазиш ишлари амалга оширилди. Бу обидаларнинг қуйи қатламларида қайд этилган ашёвий топилмалар Варахшада милоддан аввалги V—IV, Ромуш ва Пойқандда милоддан аввалги IV—II, Кўргони Ромитанда милодий III—IV ва Кўргони Варданзеда эса милодий VI—VII асрларга тегишли бўлиб, уларнинг Бухоро шаҳридан қадимийлиги археологик жиҳатдан ўз тасдиқини топмади.

Хуллас, Бухоро шаҳри ва вилоятида узоқ йиллар давомида кенг қўламда, муттасил ўtkазилган археологик тадқиқотлардан тўпланган турли хилдаги ашёвий топилмаларнинг қиёсий таҳлили Бухоронинг 2500 йиллик тарихга эга эканини илмий жиҳатдан тасдиқлаш имконини беради.

1997 йили ЮНЕСКОнинг қарорига асосан Бухоро шаҳрининг 2500 йиллик юбилейи дунё олимларининг иштирокида кенг нишонланди. Шу дамларга етиб келишда археологларимизнинг машаққатли изланишларига сидқидилдан кўмаклашган бухоролик барча биродарларга ўз ташаккуримни изҳор қиласман. Бу кунларга етган ва етмаганилар ҳам бор. Ўша изланиш йилларида содир бўлган воқеаларни эслар эканман, Бухорода олиб борилаётган археологик тадқиқотларнинг натижалари билан қизиққан ва ҳар сафар Бухоро вилоятига келган пайтларида ўз вақтини аямай топилмаларни бирма-бир эринмай кўздан кечирган Шароф Рашидов, шунингдек Қаюм Муртазоев, Абдувоҳид Каримов, Тошпўлат Ҳамид, Сулаймон Муродов, Убайд Асадов, Абдуҳолиқ Абдураҳмонов ва Вафо Мўминовларнинг номларини бирма-бир тилга олиб, яратганинг ўзи уларни раҳматига олган бўлсин, деган ота-боболаримизнинг эзгу ниятили фотиҳаси билан уларнинг руҳини хотирлайман.

## МУНДАРИЖА

Муқаддима . . . . .	3
Бухорининг ёши ҳақида X аср муаррихп . . . . .	6
Археологик кузатишлар, қазишлар ва изланишлар . . . . .	11
Амударёга қўйилган қадимий Зарафшон . . . . .	13
Қўйи Зарафшон водийсида ибтидоий маданият излари . . . . .	16
Каттатузконнинг неолит даври овчи ва балиқчилари.	
Дарвозақирилликлар чайласи . . . . .	18
Учтутнинг ибтидоий концилари ва сўнги тош даври шахтаси	22
Сармишсойнинг қадимий сувраткаш-очиллари . . . . .	25
Замонбоболик бободеҳқонлар маскани . . . . .	26
Қорақўленинг ибтидоий чорвадорлари . . . . .	32
Қумработда қазиб очилган энг қадимги қишлоқ . . . . .	35
Бухоро ёши Афросиёб тенгдони . . . . .	39
Бухоронинг қадимги номлари . . . . .	45
Хотима . . . . .	50

---

Абдуллахад Рахимджанович Мухамеджанов

ГОРОДУ БУХАРЕ — 2500 ЛЕТ

*На узбекском языке*

Ташкент, «Фан»

Мұхаррір. *М. Соғықова*  
Техмұхаррір. *Л. Тюрина*

ИБ № 6886

Тершілті берилді. 11.11.98. Восішіңа рұхсат этилді. 4.12.98. Қоғоз бічімі  
84×108<sup>1/2</sup>. Адабий гарнитура. Юкори босма. Босмахона қозози. Шартлы  
босма т. 3,78. Хисоб нацирет т. 4,45. 2000 пусха, 159-буюртма. Көліпшілгап  
нархда.

Ұз РРА «Фан» нациреті: 700047. Тошкент; ақад. Яхе Гуломов күчасі, 70.

Узбекистон Республикасы Давлат матбуют құмýтасининг Тошкент китоб-  
журнал фабрикасында чоп этилди. Тошкент, Юнусобод даҳаси, Муродов  
күчаси, 1-үй.

